



10687

碩園詩稿卷八 壬辰

風雨

風雨阻朋遊新年似晚秋好懷虛短屐遠信失孤舟林
暗鶯聲苦池平魚影浮蕭齋葺未了生計亦悠悠

懷子倣

遙憶孤山路春潮拍岸生歸心隨折柳客夢到啼鶯俗
薄輕蘇李名高誤馬卿酒徒零落盡搔首不勝情

偶夢

清宵急雪響空樓薄醉初醒枕簟幽芍藥渡頭新有夢
枇杷門裏舊曾遊挑殘銀燭惟留想寫盡紅箋莫破愁
懊惱不堪腰帶減十年心事古揚州

碩園詩稿

卷八

喜子倣浙歸柬之

却似添新友偏宜話舊年離魂猶夢裏瘦影忽燈前把
酒逢花發題詩趁月圓相過休厭數莫負早春天

上鄧元昭太史

絲綸閣下珮聲傳屈指龍墀拜袞年銀榜姓名留宰相
玉堂風采望神仙驅車氣動淮淝水返旆星瞻翼軫天
料得蒼生應禱頌幾回翹首五雲邊

送子倣之燕二首

別緒牽三月連宵話未窮誰知千里別仍在一旬中野
釀旗邊綠邳花驛口紅明朝淮北路匹馬正西風

聞道京師好今宵送遠征山城春雨暗水驛暮潮平壯

志輕兒女貧交媿弟兄尊前相慰意努力事聲名

行路難五首

四座請勿喧聽我行路吟玉壺綠酒爲君醉今生誰是
真知音出門贈君青銅鏡照君之面不照心我聞往昔
賢達者季布一諾逾黃金何事今人不如昔中夜起坐
悲商參難將忠信感君子片言泣下雍門琴

黃蘗自苦青梅酸丈夫出門殊不歡總轡四顧幾千里
路途崎嶇乃有三折與九盤左啼猩猩右嘯鬼拔劍欲
斬還盤桓咫尺天關恨無雙羽翼覩此淒絕摧心肝
珠樓金閣干雲虹美人家在長安東馳道青槐溝綠水
門前綺陌陌嘶花驄猶憶與君結情愔共持密意期相終

碩園詩稿

卷八

二

一朝絲斷難再續蕩子不見春牀空人生寧得幾驩好
蛾眉安用悲西風

握手與君別勸君且復立斯須百年亦易盡不如高吟
細酌只自娛波濤變滅歛萬里東西南北無常區春風
秋月古今有喬松朝困曾何殊羲和之鞭駛如電願子
善保金石軀

君不見樹上花年年歲歲矜妍華君不見隴頭水日夜
東流不曾止人生壽命非其倫悲情中發難具陳浮雲
映靄去何所落暉晚晚愁行人可憐萬事歸冥冥肉飼
螻蟻身爲塵白髮如絲不相待誰道榮華翻誤身

春日雜感八首

三月從無雨茅齋春已週粘花窺穴蟻趁柳聽林鳩乾
土愁方午頑風怪乍秋甚聞禾麥熟嗟爾老農謀

行飯稍忘勞尋芳換短袍青知空寺草紅見冷園桃野

眺晴偏遠郊吟晚獨豪會須借酒伴騎馬到東臯

牢落傷春客蒼茫病酒身渚鴻催恨急江草喚愁頻有

夢縈新別無書隔故人鶯花徒爛漫心苦閱風塵

搖落多愁思全身計轉窮兵戈傳嶺右徵賦數江東夕

照黃雲裏春回碧草中昇平猶在眼感慨萬方同

聞道長安事由來似奕碁可憐丞相貴真作楚囚悲鴻

鵠防須早蛟龍勢莫支蒼生空有淚欲灑黨人碑

時論憑輕重吾徒自古今文章天地事杯酒弟兄心皎

碩園詩稿 卷八

日應知在浮雲莫慮侵梁園賓客盛珍重說知音

越客近還鄉朱提滿囊裝燈前筵玳瑁絃上曲鴛鴦富

貴遭難定繁華感易傷苦吟東舍子十載飽風霜

長夜悲何極浮生夢未醒兩年凋劍氣悼昭芭衛水之沒也千古

悼文星司馬書難續昭芭著史未成中郎墓未銘衛水無後未葬傷心

寒食節花落草青青

漫題五絕句

百戰雄名震大邦誰憐豪傑自無雙封侯未必皆猿臂

射虎將軍氣肯降

千古文才八斗消偶然紙上墨花飄旁人却向空中聽

百萬軍聲半夜潮

新豐酒熟少年場醉把吳鉤出錦囊莫怪華堂風乍冷
尊前原有鷓鴣霜

柳毅祠邊白浪生女媧墳畔黑雲平千年潭底眠龍在
好聽春雷第一聲

絳節雲幢罷早朝偶來人世學逍遙他時閨苑尋歸路
赤鯉高騎弄玉簫

喜雨歌

有序

美秦公也婁三月不雨侍御秦公按婁讞冤獄
得情是日遂大雨都人士詩以紀之予亦有作

君不見去年江南家家啼合窳晝行焦明飛

合窳獸名見則大水

焦明水鳥也古云焦明至爲雨雋老農苦饑眼流血低田爲水高田低

碩園詩稿

卷八

四

又不見今年苦旱無霖霖十丈乾沙撲人目三月驕陽
寸土焦處處秧疇蔣難熟江南民力誠堪傷食人仍見
羣豺狼千家萬室恣屠割橫行城市何披猖秦公遼海
來持節赤棒威行面如鐵元兇大猾滿三吳旬日之間
盡鋤滅按部俄傳到古婁香燈夾路擁旌樓雙驄競識
桓公雅百里爭看張益州婁土沈寃不堪道官府糶糊
事顛倒鄧山郭穴片時空獨有幽魂哭青草士民流泣
訴車前盡說奇寃最可憐公披案牘當廳鞠始信秦臺
有鏡懸寃囚脫梏槿奸吏觀者歡呼動天地只爲囹圄
鮮覆盆能使嘉霖應時至白龍劈峽雷門開四溟之水
從空來甘雨崇朝除旱氣青青稻色纔能回吾聞漢誅

孝婦旱三載只今天下盡東海又聞卜式欲烹桑弘羊
只今弘羊恐猶在秦公之心何通靈婁人將立喜雨亭
縱令海內多旱母蕭推歷淮南晉陵吳郡太守所至必赤地千里人號爲旱母豈敵
臺端有畢星人傳公是畢星下降耆老兒童共歌舞秦公秦公眞
吾父唐有顏公今秦公千載同稱御史雨

慧壽庵精舍偕計登商石鴻調諸子二首

竹裏欵雙扉禪林人跡稀法蓮青佛座忍草綠僧衣日
薄穿窗入雲孤繞塔飛相攜多逸興高詠憶玄暉
每見空門靜方思世路譁鐘魚原寂寞瓶錫亦風華山
鳥朝依鉢隣僮午送茶飯依誰最切幽事好相誇

相逢行

碩園詩稿

卷八

五

相逢槐里東狹巷夾車騎年少不知名呼來解鞍醉上
馬問公子所詣向何地君家良易識甲第臨脩衢畫棟
飛雲虹雕費千星樞門前十里路青槐間白榆大子關
內侯中子執金吾小子方束髮尚書府中趨良田好峙
旁列壤皆膏腴高筵杯琥珀曲房帳流蘇絲管出重幕
鳧鵠充行廚堂下清池中十二鴛鴦雛燕子東南來雙
飛上高梧大婦織綺裳中婦縫繡襦小婦無所爲當窗
獨吹竽大人但飲酒百歲相康娛

蘇臺竹枝詞八首

十里燈棚笑語譁天街塵起鬪香車新年姊妹鬪功課
獨向堂前卜米花

風吹楊柳入高樓十五吳娘初上頭却笑隣娃年十四
賣花天氣不知愁

女伴相邀去踏青江花江草望冥冥莫經香水溪邊過
中有鴛鴦睡不醒

青油畫舫木蘭橈猶趁吳王送女潮郎心未識分離苦
容易行過寶帶橋

支硎山上好燒香暗把金錢施梵堂低語小姑無別祝
願教夫婿早還鄉

小院疎窗颺茗烟葛衫無暑撥三絃閨門夾岸香無限
五月初開茉莉船

酒亭臨水水風涼來往行人把酒嘗爭道水波同鴨綠
頤園詩稿 卷八 六

更誇酒色妬鶯黃

白浪掀天八月餘儂家艇子繫邨墟鱸魚釣得隨沽酒
打鼓荒祠賽伍胥

十二夜偕周子倣郁計登朱商石步月隆福寺因
至弇山園

當暑申雅歡文酒呼弟兄立剎鐘唄餘流輝澹人情空
濛玉宇淨晃朗金紋生驪步臨左溪茅屋三五楹迴眸
顧琳殿表裏俱空明餘興尋山園荒楚不可名禿木叫
烏鴉密菁啼颺颺雪瀑疑濺吼虹棧驚崢嶸踞石濯澗
水倦歸已殘更撫景發長喟百感從中萌躑躅塵土間
豈知風月清

十四夜飲子俶長橋

同遊繼幽躅清歡屆良宵遙瞬托天末薄醉臨平橋蟾
魄升靈崖銀瀾界玄霄四野何皓潔萬象殊蕭寥清池
起微烟深宇生涼飈露重蟬腹清波細魚身高偃息樨
柳旁翹首瞻斗杓彷彿冰壺中心腑皆飄颻逗遛意忘
別洗盞賡長謠

十五夜飲舍弟齋

相娛惜佳夕攜賓過西堂酒徒三四人促席飛急觴閒
字貯圓魄皎兮出東牆徘徊上階砌宛轉升屋梁俄焉
逼杯案滿堂俱輝光談處歡移時零落霑練裳飲罷登
高臺極目天蒼茫俯瞰城闈中萬瓦鋪雪霜此夜發嘉

碩園詩稿

卷八

七

吟追憶心難忘

十六夜飲王周臣鶴來堂

晴夕攬羣態天末收殘虹澄塘湛金碧芳檝交青蔥四
座並欣賞圓月初臃臃激濺窺文波熠耀飛華桐身世
如琉璃萬竅俱玲瓏移席就嘉蔭脩廊起長風相對絕
塵事文史來辭鋒綠醺琥珀觴轟飲爭爲雄花影滿人
裾幽景歡難終攜手言別時殘漏方丁東

十七夜飲吳梅邨先生梅花庵

名園會勝儔愛此天宇潔香艾發雅芬鳴蛩助幽悅中
夜開蘭卮况焉在蓬碣仰矚明蟾生銀雲五搖曳毛髮
盡清涼心魂並瑩徹座中白團扇皎皎映冰雪玉喉練

圓響哀歛赴嚴節秦箏十二絃一絃一鳴咽庶幾東山
遊令人憶前哲

善哉行七解

猛虎在山白晝嚎鳴一入郭門終陷穽坑 一解

慈母投杼曾參負寃欲報君子畏彼讒言 二解

良璞未剖卞和夜愁伯樂未生世無驊騮 三解

荆卿倚柱猶念燕丹成名則易圖事實難 四解

魯連飛書聊城以破鄆生說齊乃受其禍 五解

黃河水來其流湯湯志士慷慨年壽不長 六解

穀城黃石留侯之師彼哉四叟商山採芝 七解

洞庭表飲異公齋得香字

碩園詩稿 卷八

八

投轄多賢主高齋卜夜涼竹搖杯色冷花拂硯雲香短
鬢催愁切殘書引話長平生幽興在虛擬泛滄浪

浦甄玉容嚴州郵示新詩寄懷

因君長作客使吾重離羣冷驛桐江月閒廳梅嶺雲酒
情思僕射詩態見參軍好趁穿鍼節歸來話夕曛

憚民齋小飲得書字

北郭相過近高齋樂自如客抽王儉簞主曬郝隆書王
椀陳紅酒銀盤進白魚坐看燒燭盡螢火點階除

惆悵詞十首

蓉湖花落杜鵑紅欲把防閒怨守宮剪紙招魂何日事
明年寒食吊東東

鳳頭箋面寫新詞記得留英閣上時誰料今年秋雨後
殘詩吟到比紅兒

鴛鴦樓下列花燈強入侯家病不勝別盡閨門年少客
車前雙淚落紅冰

章臺已折最長條幾度筵前舞絳綃最是無情鴉打鳳
千秋羅綺恨難銷

玉釵敲折鏡難圓酒態歌容盡杳然未審琴心向誰許
無端悞殺步非烟

一宵風雨送春歸寂寞歌聲金縷衣爲問畫圖當日面
野棠花下葬崔徽

玉簫魂斷隔三生錦瑟詩成恨未平一自渭橋人去後
碩園詩稿

卷八

九

酒香花落總關情

雒城空憶昔時遊小楷分明寫崩頭玉臂雲鬟人不在
併無殘夢到常州

枇杷門閉是誰家油壁車空冷翠鴟惆悵芳魂何處去
帶烟和雨哭湘花

司馬情多枉斷腸題詩何必弔真娘綠彫紅碎須堪恨
却勝心奴髻上霜

秋夜虎邱偕次谷弟即事

山靜秋先到祠荒夜不扃樓光連樹白石氣逼池清望
遠迷烏鵲愁多慰鶴鷓霸圖回首地殘笛不堪聽

遊山塘白樵庵

佛館臨幽境開扉見講堂鐘殘晨唄靜茶熟午齋香客
自山林癖僧惟詩畫忙雅遊同取適俗累豈相妨

世事

世事看無定吾生計未安病知中酒易貧覺借書難雁
影風前急蟲聲雨後寒去年今夜月猶憶照長干

雜感八首

極天烽火倦登樓兵甲遙傳控上游絕徼趙佗新屬國
雄藩劉表舊封侯湘潭浴馬千營曉彭蠡吹笳萬帳秋
回首古來龍戰地不堪江左望荊州

三分事業昔稱雄蜀道蠶崖此日通殺氣正連巴子國
陣雲欲壓楚王宮兵來瀘水蠻旗黑地逼梁州棧火紅

碩園詩稿

卷八

十

聞道秦關猶重鎮且將軍馬備褒中

幾年百粵動征輦行在新移楚水西輦出藤州鸚鵡怨
軍回柱嶺鷓鴣啼武侯廟側灘聲惡虞帝祠前樹色迷
扈蹕侍臣魂斷處巴陵秋草正淒淒

越嶺行過別有山漢家遺燼在兵間五峯草木江城戍
七道帆檣海舶蠻久說羽書通荔浦近聞鉦鼓出梨關
錢塘亦有南征將下瀨樓船竟不還

中原十載尚橫戈入援仍聞雜種多國勢廢興分紫塞
天心南北混黃河龍城夜醉葡萄酒雁磧秋翻篋策歌
滿眼蘭州新部曲蘆溝橋下飲明駝

混同江北巨妖星長白山頭戰血腥猶有金縉存社稷

空傳兵甲出都亭名王已盡呼韓塞別部還侵老上庭
沙苑馬肥秋獵好御前誰進海東青

鍾陵松柏莽蕭蕭建業遺宮總寂寥天地百年銷王氣
英雄千古怒寒潮鳳臺置塞稱橫海雞阜移營號度遼
夜半江州傳警報幾回錯認舊南朝

吳趨百里遍瘡痍冠蓋縱橫復此時道上坐亡寇虎吏
帳前生縛射雕兒蔣州乍報徵兵急鄂渚仍憂轉餉遲
昨夜滿城傳礮火半天樓堞閃朱旗

偶感四首

幾年蹤跡悔沈浮搖落今同楚澤愁止爲讀書傷老大
曾因結客畏交游蒹葭夜冷風吹水鴻雁秋殘月上樓

碩園詩稿

卷八

十一

寂寞數杯諳世態醉移殘燭看吳鉤

名場翻覆定誰真目下清流又一新但見轅駒啗肉史
原無門客妬平津鷺鷗沼上聊充社鶯鴨欄邊亦當隣
讀盡古來朋黨論懶將白眼看時人

緝袍回首莫沾襟落魄由來俗論侵不見侯嬴酬一劍
何須郭隗費千金科名易長文章價貧賤難留朋友心
聞道王孫新好士筵前賓客盡知音

滿地風波意坦然眼中熱客總堪憐觸鬪盡無非夢
魑魅逢來也是緣事業儘容逃綠酒生涯尚許托青瑣
新時學得元龍傲百尺樓高只自眠

沙溪道中

客意尚殘秋斜陽滿一舟水平檣影直風細櫓聲柔頽
岸撐枯樹遙沙點碎鷗山陰乘興棹不必問淹留

冬夜借王子來周雲彥黃庭表集徐無頗齋以今
日良宴會爲韻得今字

玄冬事行旅弭權沙邨陰故人攬我裾幽興來相尋空
宇起夕光虛簷振寒音秉燭坐西窗萬感生微吟嗟此
塵土踪鬱鬱多怵心孤禽易戀枝族雲重離岑流年還
惋昔交態徒悲今慷慨進數觴回首天橫參

夜坐有感

貧賤身空在交游事漸非不知殘歲近但訝故人稀斷
雁衝霜下昏鷗貼月飛酒醒紅燭短側耳一沾衣

碩園詩稿

卷八

十一

吳門晚泊

寒城孤棹偶棲遲風物蒼涼動旅思枯柳嚙沙腥浪咽
暗風遮堞亂鴉悲千年劍戟桓王墓八月風濤伍相祠
多少英雄殘淚在滿江漁唱晚晴時

弇園四首

江左名園號辟疆當年池館重堪傷烟生衰草空堂黑
日轉頽牆老樹黃栗里衣冠時喪亂蘭亭筆墨事淒涼
荒塘遺墓難回首昨夜悲風響白楊

先司冠墓在
四都楊林塘

甲墅猶傳會勝流烏衣誰似昔時游風亭月館苔三徑
柳塢荷塘水一邱枚叟賦成人不見山公歌歇泪難收
眼前故土堪惆悵轉憶平原白雪樓

山堂圖史已烟銷歌舞新來也寂寥北海酒空人有恨
西堂花落夢無聊危樓不見繙經室廢巷虛存送客橋
獨喜文漪清翫在好從書畫認前朝

文漪堂名立
照家兄所居

閒遊廢苑暗沾襟家國滄桑恨莫深千古已完兄弟事
百年空痛子孫心濁河枯柳催秋暮破廟殘碑送夕陰
林下獨吟魂斷處謝公遺跡不堪尋
得黃雲孫書

金臺消息隔年餘誰向蓉湖寄鯉魚久別易生殘夜夢
貧交難得故人書荒江雁影霜前斷凍驛梅花雪後舒
若問年來懷抱事青燈寒雨病相如

同鴻調夜飲九日齋限亭字

碩園詩稿

卷八

三

殘臘邀懽過草亭故交相對感飄零功名誤我空雙鬢
花月娛人自一庭座上燭紅銷濁酒屋頭霜白見寒星
夜深那怕荒雞叫醉裏猶能倚劍聽

懷勝時宗兄在閩

天涯霜雪慘征顏遊子南行尚未還聞道離家猶病裏
可憐作客又兵間榕陰綠處懸殘夢荔子紅時憶舊山
異地鶻鴒情自重誰將書信寄梨關

餽歲

同下二首俱次坡
公韻第三首失半

古交重誠意聊以微物佐今交重財賄往來走食貨歲
晚盛苞苴眼孔嘲措大伊子謝世事蝸廬獨高卧貴游
久絕跡故人半去座眼看貴家奴擔籠走如磨寒廳對

書史白日聊自過鄉風詎堪哂疎節羞附和

別歲

臘鼓應辰鳴春草尚遲遲野雲遍通屢短景傷難追極
目霜霰飛微吟寒水涯頗聞隣舍子爲具娛嘉時盃貯
白酒醞盤設黃雞肥宿歲乏肴藪獨我含深悲惻惻對
短檠愁與殘冬辭困窮更何言髻毛怪早衰

碩園詩稿

卷八

十四

碩園詩稿卷八

終

碩園詩稿卷九 癸巳甲午

王正二日偕舍弟夜坐明發齋披讀 先集因而
小飲限名字

青編紅燭話殘更柏酒虛堂眼倍明叔夜已無朋友興
子新歲擬讀書學
山園鍵戶謝客 惠連猶有弟兄情寒梅欲放風前蕊
斷雁還嘶雪後聲千古但看遺集在吾儕豈合競時名

松陵顧庶其見訪偕同人集留英閣佐酒者邵較
書文御也分賦得園字

欣逢嵇駕晚開樽坐覺蕭齋笑語溫一部笙歌誇北里
千秋賓客傲西園從教黃絹評時價不惜紅綃印酒痕
江左少年多樂事風流今日尚堪論

碩園詩稿 卷九

春夜

積雨消春夜殘燈助客思醉緣愁作伴嬾與病相宜凍
雀猶喧樹驚魚欲出池靜中聽最警破睡強裁詩

庭梅

庭小春仍到寒花薄暮清水邊看有影雪裏聽無聲冷
驛書千里空樓月五更舊園生意盡對爾重相驚

學山園十詠

酒船茶竈總相宜半畝藤陰五畝池欲問當年風月主
學山堂下讀殘碑 學山堂

層欄曲曲護幽軒寸燭燒殘茗椀溫閒話十年前事罷
一椀斜月破黃昏 談昔軒

草堂高枕浣花溪四月溪邊萬綠齊午後湘簾高捲後

綠楊陰裏亂鶯啼

暮靄堂

桐江風景一綸收雨笠烟蓑好自由釣得銀鱗三五尺

不須換酒脫羊裘

小巖灘

虛亭高矗竹松灣策杖來過意獨閒恍置雙眸天地外

青螺幾點是人間

放眼亭

鑿山空笑謝臨川一壑玲瓏勝自偏石乳雲牙磨盪處

却疑身在左神天

冷然洞

鶯瓦飛殘昨夜霜西風初緊暮雲黃憑欄獨立秋如水

目斷瀟湘字幾行

送雁閣

蔚藍天色淨無埃一片冰壺鏡裏開數盡樓臺剛十二

碩園詩稿

卷九

二

方知翠水近蓬萊

浴碧廊

藕葉灘頭小館清蒼茫烟水共尋盟更無野老來爭席

儘許閒心狎不驚

鷗社

朱廊畫檻足逍遙面面陂塘面面橋錯認桃花新水發

大家齊上木蘭橈

舫齋

新柳四首

低枝疎影颺金堤張緒當年自可思細雨織來將作絮

輕風梳却僅成絲欲憑楚管吹新怨好付吳儂唱豔詞

盡道陌頭春色早章臺曾否玉人知

漢南風景尚依然寒食青青劇可憐送客庭前看乍折

懷人樓上見初眠遲描眉黛思京兆慢躡腰肢伴樂天

若問傷心更何地河橋小雨灞陵烟

掩冉柔條葉尚稀也隨榆莢鬪芳菲看來漢苑仍三起
種向金城枉十圍月下有情還濯濯風前無力自依依
倩誰留得東君住不作楊花滿地飛

亭亭嫋嫋最堪娛知是靈和第幾株萬縷鶯黃猶緩上
三分鴨綠正勻鋪佳人縮帶情多少遊子攀條恨有無
莫謂道旁顏色好曾聞野老哭新蒲

春日園居病起書懷六首

幽居稍喜得身閒只與溪山共往還養病久忘尋酒社
避人兼畏叩禪關隴梅枝老偏宜折苑柳條輕也耐攀
樹底科頭無限好紅塵十丈笑人間

碩園詩稿

卷九

三

小病逢春意寂寥藥爐相對過花朝輕風桃岸紅初綻
急雨荷塘綠未消吟罷可堪思舊友酒闌寧忍話前朝
不知人事今何似獨喜新來野興饒

寂寞文園思黯然掩門虛過賣錫天間驚曲沼魚行急
靜愛空樓燕語圓千古聲名身後事半生花酒夢中緣
朝來獨倚藤牀坐漫檢南華讀幾篇

聽風聽雨又旬餘不覺遨頭萬事虛病去情懷偏近惡
狂來禮法自成疎醉中每憶曾遊地夢裏時看未見書
世事祇憐雙髻在漸同潘岳賦閒居

一羶聊托浣花莊不作尋春載酒忙剩有腰圍愁沈約
更無書牘惱嵇康海棠風急吟帷冷楊柳烟深墨沼香

睡起正看池草綠好裁新句答西堂

詩舍弟有詩見寄

櫻筍厨空獨坐時閒看日脚映簷遲夢回蕉鹿俱成幻
病卻弓蛇總不疑遊興減來稀著屐機心銷盡併拋碁
自嫌多事惟書癖夜夜燒燈寫杜詩

花前

多情多恨怯花前細雨閒房坐悄然紅滿杜鵑魂漠漠
綠勻楊柳思綿綿一牀酒病三竿日雙闌離歌五兩船
舊事忽來新夢底定須愁殺杜樊川

輓姜如須

僅有牀前語窺君意獨深三年欣識面數語見知音薄
宦仍湖海浮名自古今中原風雅盡多少淚沾襟

癸巳

碩園詩稿

卷九

四

遊邨園即事

寂寂松扉啓尋幽喜物情雨餘新杏白林末晚鳩清徑
似山中出橋從屋裏生茅庵逢絕處又起粥魚聲

今年

今年春事好愁殺負春遊風潤花爭豔烟深柳欲柔持
杯驕酒戶捉筆笑詩囚老我生平足何須怕白頭

竹莊夜坐

日落孤邨裏虛堂坐悄然竹風侵帙潤茶浪入鐙圓新
暑能消酒殘詩忽破禪相忘身世事幽意許誰傳

句曲道中曉行

客夢中宵破紅燈小店扉幾家聞犬吠十里見驢蹏

金陵雜詩十首

日斜空堞亂鷗啼
話到前朝夢欲迷
莫問秦淮舊時事
陸機宅畔草萋萋

江左風華事若何
齊梁烟月總銷磨
舊家燕子原無恙
不向烏衣巷口過

清溪九曲路荒涼
難認元皇舊講堂
多少吹笳牧馬地
更無人憶到南唐

金川門內事堪驚
又見江潮打石城
惟有黃公祠下水
萬年長自表南京

河亭燈火晚依然
歌吹年來罷酒船
曉起不堪頻極目
蔣山松柏已無烟

碩園詩稿

卷九

五

佳麗由來數六朝
千年遺跡忽全銷
桃根桃葉渾無據
渡口新添十丈橋

六年兩渡客昇州
猶著青衫上酒樓
醉拍闌干思往事
一天風雨報新秋

壚畔相逢月上時
酒如琥珀鱸冰絲
小姬自作長干語
愁殺姑蘇輕薄兒

花廊月館總拋閒
十四樓頭草色斑
廢院久無車馬過
路人猶說馬湘蘭

掩門沽酒得微醺
好景中秋悵暮雲
却憶去年今夜月
虎邱絃管醉紅裙

再至澄江

連宵襍被試秋霜舊地重過似故鄉古堞烟稀喧鳥雀
荒邨日落散牛羊山空愁望江濤紫寺廢驚看野燒黃
猶是昔年征戰地滿城燈火賽睢陽

東鴻調二首

又有貂裘淚相看作楚囚吹竽終未解彈鋏欲誰投寥
落慳青眼蹉跎塊黑頭滄江回首際羨殺兩眠鷗

年齒君猶少風塵我獨傷無才迎富貴有鬼妬文章壯
志交遊盡虛名歲月荒平生潦倒意莫惜醉千場

甲午

碩園詩稿

卷九

六

碩園詩稿卷九

終

碩園詩稿卷十 乙未

偶訪不遇二首

前溪歌舞竟何之，欲繫青驄祇悔遲。
蓮子已開惟自苦，梅花初發忽相思。
愁生夜月傳鶉處，恨殺春潮倚棹時。
遙指去程添悵悵，吳江烟雨正迷離。

蕭齋無那幾黃昏，風雨新年總斷魂。
曉夢欲飛楊柳陌，殘雲空鎖枇杷門。
每翻白紵疑歌調，偶檢青衫得酒痕。
爲問傷心南浦地，可因芳草憶王孫。

送黃庭表之燕

碣石雄風萬古開，詞場高步亦佳哉。
一朝槐市推經術，十載蘭臺擬賦才。
佩劍自看星斗合，征駒莫厭雪霜催。

碩園詩稿

卷十

誰爲少日題詩侶，愁對離亭酒數杯。

閨思二首

花落警空房，池邊照曉妝。
自從甘薄命，不忍妬鴛鴦。
午夢聞鶯喚，高樓見柳條。
欲知郎去處，消息問春潮。

予自癸巳歲讀書學山園，刻意揣摩舉業，以吟詠爲戒者幾兩閱歲矣。乙未花朝，偶檢舊稿，呼酒獨酌，不覺大醉，口號是律。

兩載不吟詩，朝來忽悔癡。
才情空復爾，富貴竟如斯。
甲午又秋，雨芭蕉夜春風，楊柳時從今拈筆，後日日寫烏

絲

懊惱詞八首戲爲友人賦

冶葉倡條最有情由來名士悅傾城城南亦有章臺柳
不許郎身別處行

桃葉桃根事豈無雙栖海鷺肯教孤傳聞樂府留詩句
夫婿兼兼頗有鬚

春風韋曲一番新香夢纔酣月半輪誰道酒闌燈炮後
前廊還有泣魚人

秦淮千里兩心同楚潤相看事忽空只爲替郎曾泣玉
至今留得錦綃紅

只聞征鷁指吳閭慢許青樓繫驕驕一夜柳條春漏洩
幾回羞殺野鴛鴦

多情終是愛狂夫舞倦歌慵酒百壺莫爲書生防膽怯
碩園詩稿 卷十

夜深不怕霍家奴

彈罷銀箏淚莫禁酒杯難比別情深生憎一曲吳淞水
隔盡郎心與妾心

爭羨風流杜牧之酒壇文陣日相隨不知多少纏頭贈
換得王郎幾首詩

玉峯閒眺偕邱近夫周孝威徐孚若王鴻調

烟與曉山平春遊眼共明橋迴峯忽亂港斷水仍清得
石都成座尋僧不問名向來登覽地相對一關情

壽鄭桐庵先生六十二首

峩峩山上松歲暮含華滋矯矯堂中鶴羽翮多殊姿名
德鄭夫子風流世所師弱冠事墳邱百籍供鑪錘攬筆

生虹霞奕燁揚文辭皇路多輝光浚谷明朱羲秋飈倏
以高振策應昌期龍蟠不久藏豹變會有時結交托羣
公慷慨情先披玄雲鬱層陰霜雪栖天涯抱此忠孝心
千載長相知

驅車指京甸萬里將翱翔和璧知者罕投袂歸南崗物
理靜中見繕性超行藏因茲謝塵事遐矚馳蒼茫邱壑
洵亦美歲月邈以長微言闡義周詎數今文章翩翩吳
中彥負笈盈前堂不願公與卿願居鄭公鄉皆言鄭公
鄉生雖三鳳皇菡萏花日妍葛蒲節日香堂上千秋人
能盡千秋觴

南邨戲贈四首

碩園詩稿

卷十

三

浪向紅樓騁驕驕相邀偏喜得同鄉新來別有銷魂地
不羨秋娘與泰娘

曲房疎簾夢溫柔買得名花慰客愁最好曉湯纔過後
滿窗紅日看梳頭

酒闌歌罷憶當年邂逅今朝也是緣舊夢新懽同此地
前身合是杜樊川

一曲陽關幾首詩青衫留得淚絲絲生憎三日尊中酒
管盡相逢與別離

贈歌者

清商一闋月如霜誰似吳閨粉面郎風雅正宜搜律呂
聰明兼解愛詞章妖姬壓酒傳鸚鵡小史吹簫教鳳皇

最是奈何頻欲喚怕隨年少醉西堂

芙蓉篇

長安五月春可憐滿城桃李無芳妍漢宮朝望爛如錦
爲君高誦芙蓉篇芙蓉之花何光彩一度一回顏色改
菖蒲浦畔發清芬楊柳橋邊迎翠靄翠靄清芬此日披
綠房紫的發華滋亭亭乍見烟條立灼灼仍看露萼垂
露萼烟條自舒卷金塘繳灩殊堪羨合跗同莖永不離
連株並實長相見曉霧纔開紅粉妝香風乍拂青樓面
紅粉青樓樂未央花間宿十二鴛鴦攜來公子珊瑚玦
醉向倡家玳瑁牀初呈妙舞稱鸚鵡再奏新聲學鳳皇
新聲妙舞留君住珠簾高捲鶯飛去欄北時看芍藥花

碩園詩稿

卷十

四

窗前長對櫻桃樹芍藥櫻桃暮與朝爭如菡萏獨含嬌
已見珠潭飛彩鷁還看菱唱出妖嬈墮釵雙雙紫桂檝
傾鬟隊隊引蘭橈摘得姿分歌臉媚採來香逐舞衣飄
舞衣歌臉猶疇昨秋飈警夕俄蕭索此時階下咽啼螿
此時庭際吹飛籜只道芳枝竟歲榮不知豔蕊盈朝落
豔蕊芳枝可奈何流光晼晚怨清波飛翠樓中拋巧黛
流蘇帳裏斂愁蛾玉筋啼來悲未歇銀缸照處怨偏多
銀缸玉筋徒凝想傾國傾城竟何往寂寞空餘太液池
淒涼不見凌風舫由來羅綺歎漂泊豈惟桃李堪惆悵
昨日繁華尚宛然今朝憔悴無人賞昨日今朝事可悲
空房淚盡褪臙脂君看千古紅顏恨無那西風一夕吹

短歌行

海水東流白日不回百年促戚不得徘徊愁來無方毒
我肝腸仗節立功中夜徬徨歌闌舞疲心常苦悲旦暮
代謝世事難知鷓鴣鳴春蟋蟀報秋行樂及時銷此百
憂陟彼仙島言採瑤草萬歲千齡願君壽考有酒盈樽
有客滿門及爾親舊歡此共敦攬衣相留聽我短歌星
稀露寒仰視明河

偕李西玄章素文湘御錢宮聲集顧筆堆園亭即
事二首

勝侶足相求名園樂事幽攜琴眠竹下放艇過橋頭金
井梧桐靜銀塘菡萏浮不妨吟嘯地嵇阮是吾儔

碩園詩稿

卷十

五

坐來忘日落獨領快哉風鳥影殘陽裏蟬聲暮靄中杯
深憐酒綠亭敞愛燈紅河朔當年會應知此夕同

蔡九霞席上喜遇余淡心時予別淡心已三年矣

高館疎簾燭未殘相逢莫厭酒杯寬都將舊雨三年夢
併作清尊一夕歡詞賦暫看留茂苑

淡心近日鶯花每
僑寓吳中

惜負長干

子兩至白門皆以
卧病不及訪友

故人青眼飄零在醉裏深

知欲別難

醉中放歌贈章湘御

皇天之下后土上丈夫七尺何莽莽意氣寧須讓古人
文章終令歸吾黨夫差城東星色高章家兄弟皆人豪
章生十三負奇異皎皎玉立揚清標詞場策勲推第一

作賦獨有凌雲筆世間凡馬亦不少驂騑倏出空儔匹
王生與汝俱黑頭連年上書不見收豐城龍泉色黯淡
落魄且欲埋糟邱出門路窮勿復道人生失意無恩讐
眼看世事轉愁疾致身富貴竟何術議論羞爲轅下駒
功名媿作禪中蟲琥珀竿琉璃觴不如相攜醉道旁綠
鬢紅顏豈長久男兒安得誇身強要知片語足千古胸
中磊塊有時吐五侯七貴誠區區造物小兒何其愚

夏夜憶周子倂在中州黃庭表在薊門

有酒且欲歌今夕涼風浙浙銀河白簷頭明星落酒杯
不照故人好顏色故人踪跡之何方長安城中與大梁
詞壇潦倒二三子當年意氣俱飛揚周郎舉止無庸碌

碩園詩稿

卷十

六

平生肝膽傳歌哭朝來賣賦得黃金日暮留賓宴華屋
作饌何妨過百人傳觴寧惜傾千斛妖姬舞學柘枝妝
小史簫吹鳳皇曲黃生亦是英雄流驚才自顧無曹劉
吳山浙水盡踏遍結交往往傾其儔去年坐我東村舍
青樽綠酎相追遊酒闌燭暗更起舞每誇好手堪封侯
同時懷璧曾三獻吾儕久合辭貧賤簪筆却入銀臺門
曳履直上金華殿胡然展輶敝烏裘七尺仰看公卿面
我聞邯鄲多博徒更聞燕市有狗屠乾坤好放雙白眼
元龍豪氣何時無二子客遊縱得意豈知王生獨倚短
劍歌烏烏君不見碣石之館夷門道古人已往今人老
浮生聚散若風花相逢莫惜頻傾倒丈夫富貴終可期

四十青雲亦不遲看君六傳歸來日是我千場醕酌時
苦熱篇

今年六月已過半連宵酷熱不可支赤龍揮鞭祝融怒
火天雲卻風無絲欲赭泰山涸東海直將萬物供爐錘
烏雀蹋翅墮低樹魚鱉張口浮清池惟有蛟龍逞勢焰
盈吻膏血誇相宜野夫科頭解衣慣汗出如漿體亦疲
由來河朔有故事即撻醕酌杯難持人生涼熱每易變
歎蒸何必由天時長安城中無三伏暑日車馬方驅馳
請看十丈黃塵裏多少相逢襍襪兒

七夕立秋夜坐悵悵漫賦此篇

火旻皎皎炎轡傾颺風乍警銀蟾明天上白榆自歷落

碩園詩稿

卷十

七

橋邊烏鵲自縱橫爭傳織女黃姑面一歲今宵一相見
鳳駕仙車不可攀空餘光景人間羨博山霧銷蘭炷滅
夜深愁聽銅虬咽二十五聲何太長空階獨立還淒絕
朝來偶踏章臺路章臺美人靜無語明鏡紅妝只自憐
綠窗閒却連枝樹迢遙河漢未相親蜀雨巫雲夢不真
雙星佳節雙蓮會惱殺文園病渴人

白頭吟

貴如櫝中寶賤如階下草嫁與白頭人棄置勿復道莫
誇今日好明旦安能保今日一溝水明旦各分流徒嗟
鳳與皇四海來相求新人自然歡故人自然悲黃鵠摩
天飛寧復顧藩籬日月有光輝何意與君離豈不念疇

昔貧賤同鋪糜帶長簪苦短容華難自持不願君心回
但願君心知雌單良所憐歲月同逝川區區妃匹情娛
樂及盛年

燕臺行贈沈韓倬太史

燕臺百尺何崔嵬顧盼孰是真龍媒金羈玉勒逞濶步
駒駉駉耳俱塵埃君不見沈郎吳下文章伯健筆凌雲
最無敵少年謁帝入承明一朝聲動長安陌奇才本合
登天衢却令吾黨生顏色憶昔傾蓋逢吳門意氣直欲
迴乾坤綺筵十日酒千石愛客往往如陳遵玉山嗟哉
不知醉胸中雲夢爭吐吞前年別我走千里匣中蓮花
色如水自言丈夫七尺身挾策須當見天子果然射策
碩園詩稿

卷十

空羣賢泥金帖自京師傳曲江三月最得意看花正值
春風前更聞賦詩侍清讌錦袍玉貌人爭羨風流欲壓
鳳皇曹聲名獨著麒麟殿男兒富貴那可論一鳴便足
驚千人只今當路需賢日會看夔龍事業新黃金臺畔
功名早平生肝膽向誰道若問江東舊酒徒王生將欲
菰蘆老

薊門篇上吳梅邨太史先生

薊門夙昔多雄風文章海內俱朝宗就中驪珠誰摘得
人間宗匠歸我公我公大筆冠江左咳唾真足驚鴻濛
女媧聖手巨靈斧直與造物爭神功由來此道屬元氣
扶桑西去崑崙東三百篇還十九首正始肯讓關元終

邇來天子重文獻，詔書屢下特宣見。從獵每入甘泉宮，
和詩長侍柏梁殿。此時昇平需雅頌，自古燕臺富才彥。
牛耳千人已競推，龍門百尺誰堪擅。憶公高卧東山隅，
文酒跌宕容狂妄。夫談天說怪恣，懽譁興酣據地傾。千壺
有時敲句對紅燭，嘔心莫惜髭髯枯。雕搜萬象怒真宰，
要使隻字人間無。當年數子自歷落，意氣競欲吞江湖。
不慕青雲一朝貴，恥令白雪千秋孤。自從分飛各南北，
斗大婁城散星色。周郎厭見尋常人，出門去作平原客。
黃君三則不得意，挾策亦向長安陌。許子途窮更可憐，
風塵刺促家徒壁。心懸知己嗟飄零，青袍十載仍王生。
無錢空嘆趙元叔，有舌不如樓君卿。銜恩何處報明月，

碩園詩稿

卷十

九

但存肝膽空熒熒，以茲七尺益骯髒。驕驕伏櫪頻哀鳴，
丈夫青紫偶然事，當令風雅追前盟。成弘嘉隆豈衰歇，
斯文萬古歸權衡。詞壇狎主我公在一，洗天下蒼蠅聲。

兵船行

陣雲壓城城日白，羽檄紛馳騎充斥。颶風昨夜起鮫宮，
鬪艦千羣竟何益。憶昔軍興催造船，吳民髓竭無金錢。
刺史流汗縣令哭，老農舍血遭笞鞭。一朝連烽迷海道，
帆檣如山倏然倒。旗鼓虛張楊僕營，艤舳已入田橫島。
沙溪十里飛黃埃，人家門戶晝不開。橫刀躍馬滿街市，
海船方去官軍來。君不見軍中健兒不羞走，盡是幽并
好身手。十邨九邨無人烟，不掃鯨鯢掃雜狗。

長歌贈徐方平兼懷周雲彥

徐生名家子弱冠多才華由來擅夙慧口吻生蓮花霜
毫滾滾瀉珠玉襟期更可凌青霞胸中突兀有千古居
平羞與絳灌伍却向吾黨開雙眸握手心期盡傾吐結
交還當交徐生恥逐悠悠世上名意氣頗愛陳仲舉功
業獨許崔州平更有周郎少同學詞社馳聲最英卓天
下皆知管鮑交片言相與盟山嶽文章有價遇有時秋
旻已得盤雕鶚西風寥落雙貂裘惟我與爾分窮愁鸞
翻龍性尚如故峻嶒傲骨真難柔羣兒輕薄爭蠻觸堪
憎到處羊腸曲往往鴟鴞疑鳳皇時時燕雀朝鴻鵠徐
生大笑語王郎丈夫七尺猶昂藏青天白日在頂上肯

碩園詩稿

卷十

十

與魑魅爭燈光從古豪傑盡如此蛟龍寧爲螻蟻死休
論報讐與報恩贈君吳鉤三尺水世間即有千黃金難
買徐生方寸心園中之葵根自好貧賤偏覺朋情深不
令肝膽成楚越豈容顏面如商參客帆落日淮河口劉
伶臺邊萬楊柳蘄門直下孝廉船周郎去飲臨淮酒高
陽舊侶何翩翩今朝分散心茫然延津劍飛黯無色沙
邨寂寞殊堪憐相思一月秋潮長時向溪頭問五兩落
魄誰同阮籍狂知音要覓鍾期賞鸚鵡杓鷓鴣卮飲君
之酒君莫辭東風忽吹春草綠天公換汝頭上絲百年
彈指良易過人生那得真相知放歌一曲猶未了北斗
卓地銀河垂

醉題

婁江之濱五畝地天公置我定何意虎頭燕頰非尋常
駟馬高車自容易饑死莫笑東方生乞食欲學陶淵明
男兒三十尚貧賤有口不敢談功名公等碌碌滿天下
世人那識千里馬放歌一曲酒百壺龍泉太阿知我者

擬豔

青鳥雙飛夢尚賒多情原合住東家隄邊楊柳絲爲樹
戶外櫻桃子作花亦有鳳簫邀美玉可無龍鏡答秦嘉
盈盈河漢誰傳語惆悵虛乘海上槎

秋感八首

秋風一葉警清宵愁聽滄江捲暮潮馬齒已知慚鄧禹
碩園詩稿

卷十

十一

虎頭誰肯信班超斷鴻萬里神蕭瑟哀杵千家影寂寥
回首浮雲天地事總將感慨付漁樵

長安城陌接天開景色依然郭隗臺萬戶風烟移上谷
九關雲氣鎖蓬萊西山羽騎乘秋出南苑龍舟近夜迴
入直屢傳親賜對侍臣應有洛陽才

湖湘白羽正縱橫重戍連年更益兵日落草迷充國帳
秋深雲暗伏波營炎風朔雪愁難盡銅柱珠崖險未平
爲閩南征諸將帥幾時麟閣有聲名

直北長河日夜流宣房遺跡總堪愁黃旗萬舸喧淮口
白浪千家哭汴州築岸已遷都水使轉籌誰拜富民侯
可憐壁馬虛沈處不救南方赤地憂

七閩烽火遍關河尺一空傳下趙佗陣列天關屯虎豹
兵迴海國怒鼉鼉三秋嶺外移軍急十載江東轉餉多
聞道普天猶戰伐夢魂中夜擾干戈

半壁長江霸氣吞六朝殘壘到今存非無鐵騎防天塹
竟有牙檣出海門勝地南徐推重鎮精兵北府號雄藩
誰堪萬歲樓頭望滿眼黃塵日欲昏

秋來澤國陣雲飛太白星高照鐵衣牙帳屢看江上徙
戈船不見海中歸春申浦漲旌旗暗壽夢城高鼓角微
鎖鑰東南誰可寄書生未敢論兵機

浮名奔走歲華徂萬事傷心問唾壺天際烽烟徒睥睨
海濱吟嘯獨菰蘆秋江空悵芙蓉冷夜月還愁桂樹孤
碩園詩稿 卷十 十一
漫憶去年遊子意西風載酒莫愁湖

將進酒擬太白

將進酒痛飲寧須計升斗杜康宅邊楊柳綠主人高堂
列華燭引商激羽奏新曲葡萄一醖色如玉燕姬趙女
多芳妍海陸珍錯皆甘鮮解衣六博喧聲傳四座歡樂
呼萬年夜半明星亘中天興酣回首還喟然世間鼠腐
空自煎何不服食求神仙神仙之宮在蓬萊竦身欲往
心徘徊顏淵老聃俱塵埃魂飛白楊骨青苔隴水東流
烏西迴對酒不飲殊可哀正須高築糟邱臺相逢便倒
三百杯君不見成都草玄客年年寂寞空執戟著書擬
作身後計春風秋月等閒擲又不見江左阮步兵醉橫

雙眼嗔公卿只今長卧不復起酒徒往往知其名古來
萬事總無據金壘頻酌休相拒王生今夕歌新句闔闔
城頭亂花絮寶馬銀鞍向何處壚頭酒香君且住

贈顧松交秋部二首

鷓鴣列署倚秋高爭羨清名壓俊髦結客星辰供置酒
論文風雨助揮毫五年仙吏山陰傲千古雄談碣石豪
江左昔朝傳故事詞壇原屬白雲曹

清時泉石足徜徉高卧閒園擅辟疆本爲蓼莪餘涕淚

秋部居憂遂令蘿薜暫衣裳才子名子弟誇荀淑意氣賓朋說

鄭莊入座每思花下酒幾人同倒接羅狂子曾借李沈子預秋部

園中牡丹之會需醉竟日

碩園詩稿卷十

十三

秋日寫懷

萬木蕭蕭一雁過清秋景物付悲歌亦知計拙憐金盡
無那情深畏酒多亂後關河猶戰伐愁來天地有風波
十年回首南邨在羨殺滄江理釣蓑子避兵南邨時距今已十年矣

懷鄒訐士

尊酒千秋氣自雄離居此日悵西風晉陵鷓首寒雲白
吳苑鴻邊落葉紅才子詩名懸海內故人秋思滿江東
新來結客知何地可有雙魚尺素通

輓葉聖野二首

驟得脩文信驚心世事空名猶千里重身竟一棺終師
友存亡際江山涕淚中翩然遊岱意應爲阮途窮

地下人何往天涯夢未疎墳空難挂劍路冷欲迴車作
客愁無那招魂恨有餘遺孤三尺在誰護茂陵書

九日卽事書感四首

芸窗曉雨乍如絲令節登高又此時詞客蕭條空遠道
酒徒零落少新知關心烽火愁偏近入夢音書恨較遲
郵縣涪江身總異也還怕檢杜陵詩

萬家紅樹動新寒秋淨茅堂地自寬欲仗殘書銷夙恨
且呼濁酒盡餘歡霜前白雁愁中聽雨後黃花病裏看
莫道龍山高會好故人踪跡半長安

落帽爭傳醉客顛西堂狎坐記當年短簫橫笛聲何在

白露青楓景自偏巫嶺幾時迴暮雨梁園此日散寒烟

碩園詩稿

卷十

十四

傷心往事如春夢不爲悲秋也悵然

潦倒西風一敝裘眼看萸菊總含愁阮生氣盡留青眼
潘令情多媿黑頭烏雀壕邊喧落日魚龍江上冷殘秋
晚來暫擬開襟抱隨意園亭足勝遊

遊王烟客奉常西田有述四首

偶然成勝事出郭趁斜陽古岸蒹葭白疎林橘柚黃渾
疑移釣艇忽似坐漁莊最喜閒身到東籬逗晚芳

草木自平泉烟雲更輞川入門纔得路倚杖便疑仙綠
酒藍輿後黃花白恰邊東家如可問肯惜買山錢

別墅仍稱圃翛然半掩關茅簷生晝雨畫壁見秋山石
亂苔三徑亭空水一灣晚尋支榻處高閣白雲間

有客娛花月行厨亦自饒開尊猶勝地燒燭且餘宵惜
別懸殘夢重來記小橋幽棲真谷口莫厭屢相邀

舊夢

舊夢燈前話新詩酒後題暗風調菡萏殘月冷莎雞白
雁聲初急丹楓葉正齊向來悲宋玉不爲楚雲迷

夜雨

木葉下前楹蕭蕭秋忽驚十年燈底事一夜枕邊聲但
覺疎朋舊誰將洗甲兵幾回霑灑意寂寞數殘更

古別離

落日照顏色別君在瀟湘悲風萬里吹楓林顧已黃執
手立踟躕霜露沾衣裳仰盼雙飛鴻天末借翱翔皎皎

碩園詩稿

卷十

五

牛女星河漢仍相望征夫愁道遠遊子感夜長別離良
無端薺苦梅亦酸蘭草芳久歇秋蛩聲且寒皓首喻心
期不信多新歡崇川何時滿明月空團團

連夕飲心遠堂即事四首

烏衣佳會正高秋綠酒明燈迴破愁記得前賢留勝語
王家兄弟本風流

紅樓連日自多情共醉芳筵又四更私語迴廊人不見
月中花影憶分明

畫堂銀燭興偏豪壓酒虛傳有薛濤埤里風光誰奪得
清歌一曲鄭櫻桃

燈火蕭疎夜半還可堪花酒興闌珊西堂賓客多年少

悵殺潘郎髻欲斑

即事戲贈八首

半惹閒情半惹愁無端踪跡又紅樓從今一繫青驄後
定費花箋與酒籌

走馬邀懽錦瑟旁爭言十五嫁王昌須知珍重相逢意
不是尋常買笑郎

狎坐羞聞喚小姨人生能得幾相知郎今樂府多佳曲
莫唱農家懊惱詞

鴛鴦貼被正勾鋪金斗香溫夢不孤推枕起看窗半白
教人無奈曉啼烏

西堂尊酒興方賒密約更餘果不差門外香車喧忽到
碩園詩稿

卷十

六

牀前剛盡一杯茶

畫筵紅燭又三更一曲明妃倍愴情青塚黑山多少恨
恰宜譜入別離聲

獨攜殘酒宿荒江擁被猶疑夢裏雙夜半酒醒人已別
石尤風急打船窗

三十虛傳浪子名新詩題得爲卿卿若將買賦金相比
自道纏頭也不輕

示青南諸子

落魄多狂侶章臺屢浪遊須知因感慨不是恣風流綠
髻千秋恨青衫十載愁會逢春草發醉殺酒家樓

南莊雜興四首

何限憑高意晴天見遠沙冰霜猶道路烟火幾人家樓
迴橫孤笛江空舞亂鷗淒然今昔事遊子在京華

野色佳無盡披尋興未窮斷橋殘雪裏小艇夕陽中浦
冷蘋光白林深榭影紅滄江吾意愜棲泊羨漁翁

曉市列千屢臨湖勝地偏石梁浮碧浪金刹隱蒼烟柳
陌歌姬館蒲帆估客船可堪花月地遊賞憶當年

歲暮江邨坐蕭蕭動旅愁貧疎衣食計病隔友朋游感
慨親孤劍飄零媿敝裘長吟還矯首天地一荒邱

小飲

小飲綠蘿莊開窗月滿場幾家松釀熟十里米花香

黍情堪戀江湖念欲忘田居風味好遮莫話羲皇

碩園詩稿

卷十

十七

病酒

病酒披衣懶閒房白日幽有緣剛作惡無夢不成愁興
尚需花發情飜禁淚流昨宵銀燭下曾憶唱伊州

碩園詩稿卷十一

丙申

首春吳閩雜感四首

燈宵風景說金閩踏遍天街興自狂
火樹影連丞相府香車塵鬪狀元坊
銀箏處處誇新曲珠箔家家愛晚妝
惆悵不堪歸去後一簾寒月到空牀

故園朋好罷論文漫對孤尊悵夕曛
兄弟十年愁裏過音書一月夢中聞
自憐樓畔羈王粲暫喜城東訪范雲

適赴范子
羽立之宴

回首路旁春草綠有情能不念離羣

驚心塵榻影蕭然又值傷春困酒天
韋曲鶯花猶昨日茂陵愁病獨新年
空簷日映寒梅色小苑晴開弱柳烟
翡翠鴛鴦俱夢裏掩門且了蠹魚緣

碩園詩稿

卷十一

相逢對鏡與分身盡是陳王賦裏人
共識佳名傳北里不嫌狂客住西隣
匆匆紫陌塵空滿漠漠紅樓夢未真
惱殺歸期剛二月花開酒熟總傷神

贈張青瑊

張郎才俠天下聞意氣矯矯干青雲
振筆斐然追作者詞場勇策千秋勳
鶴性龍姿迥無匹昂然七尺空人羣
憶昔雲衢快驥首金門射策馳聲久
走馬春騰大桁烟迴鞭暮折長干柳
蕭條往事難具陳湖海飄零重回首
壯心未肯閒蒿萊跋履再上昭王臺
隋珠和璧知者罕霜蹄屢蹶悲塵埃
碣石雄風自突兀梁園上客徒徘徊
汴水漳河寄踪跡邂逅頗愛周郎才
周郎亦是英雄士

最喜窮途得知已贈縞班荆共此心
酣歌痛飲中宵起
痛飲酣歌復幾時張郎南返周郎止
仗劍還來東海濱
乘舸偶過婁江里婁江城頭鶯亂啼
綠楊夾道朱樓迷
美人絃索身親攜傾瓶一醉俄如泥
我來蕭寺更相對
清琴側耳添悲淒深杯細酌論今古
簷前暮雨聲高低
酒闌楚舞徐嘆息十年感慨填胸臆
買臣主父何足論
蹉跎愧殺風雲色屈指功名會有期
長安三月花如織
終看謁帝入承明豈作諸侯老賓客
新知聚首未彌旬
又見河梁話別頻燕嶠吳山俱往事
柳雲汀樹莫傷神
君歸暫向菰蘆卧子亦江東落魄人

隆福寺賞牡丹

碩園詩稿

卷十一

二

金刹垂楊裏開扉徑忽通
賓朋無意得杯酌偶然同
竹色侵裾綠花光助酒紅
即防陰雨至倚檻醉東風

立夏

佳節初臨夏江城感歲華纔拈辭
臘酒又賞殿春花
客思汀蘭暮鄉心巷柳斜
去年當此日爛醉莫愁家

懷維揚諸子

憶昔分帆地傷心共板橋
邗關迷夜月婁水斷春潮
兩歲雙魚隔孤踪一雁飄
浮雲天地滿搔首思迢遙

遊放生池

偶來尋白社不覺翠微深
古刹聞僧唄空潭淨客心鉢
沈魚近岸磬歇鳥投林
無限悠然意歸途趁夕陰

飲韓氏園亭

詞賦蘭亭客鶯花梓澤觴小紅臨沼靜晚翠入樓涼墨
浪翻蕉幌爐聲帶竹廊主賓高興發真擬醉爲鄉

病中遣懷四首

肺氣禁春久還憂入夏難療饑憑藥餌逃暑失衣冠竟
日杯空對經旬鏡懶看更嫌欹枕聽蟬噪徹簷端
獨坐思陳迹愁來可若何衰逾潘令早病似馬卿多短
榻塵將滿疎簾雨乍過自傷搖落甚時復撫庭柯

杜甫原詩癖孫樵亦鬼才

時方患瘧

三尸吾不信二豎爾何

來亂帙堆烏几閒門鎖碧苔軒南方晚讀側耳暫心開
潦倒孤身在蹉跎兩髻知貧爲男子事病是讀書時蕉
碩園詩稿卷十一
三
影連窗入荷香隔院吹吾廬幽興熟高卧亦相宜

長歌行三首

庶草含蕤英秋至畏雪霜枯魚口含腐朽蠹斯其常憂
思約衣帶車輪爲我腸遠天近黃壚晝短宵苦長少壯
不行樂念此心徬徨

仙人碧髮翁翩翩乘蒼精霞衣霓爲裳游戲雲中行贈
我藥一丸服之能長生導我兩玉童受道於太清俯視
塵界中羲馭無時停百年若飛電螻蛄徒悲鳴

析柝驚颺吹晶晶

音香

白日馳惻惻事遠征慊慊心所悲

不如倦飛鳥猶得棲南枝秋蛩吟我堂寒月入我幃何
以慰切怛綠酒空盈卮隴水無停流遊子無歸期離家

既已久有苦當告誰長歌且未終嗚咽情難持

塘上行

蒲生清池中離離顏色鮮妾身方有托不知防未然讒
言畏三至風波忽相煎君恩如流水誰謂磐石堅念君
腸屢斷常恐致溝壑莫迴幽室光容華竟衰落蘭桂日
以芬蕭艾自然惡璠璣日以珍瓊甌自然薄故亦復苦
辛新亦復苦辛盛衰有常理雙情難終晨今夕共言酒
延年壽萬春

梁甫吟

崎嶇泰山旁悲風振林樾四顧墟塚間纍纍盡枯骨不
見齊三士猛氣競咆哮終制於謀臣齒劍以身沒肉爲
蝮蟻糧魂遊狐兔穴何如知者流龍蠖俟時發

碩園詩稿

卷十一

四

王明君

妾本齊國女遠遣向朔方天子重社稷安邊計誠良一
生誤丹青臨訣徒淒涼掩泪出銅龍悲思裂中腸愁向
單于庭羞作闕氏妝何以棲我身屬幕羶爲牆何以充
我腹腥食酪爲漿寒地草不青荒磧雲多黃琵琶慘無
聲明鏡暗無光踪跡隨飛蓬粉黛銷風霜願逐隴頭水
南行返家鄉隴水自流去佇立以徊徨昔銜長門怨今
抱烏孫傷甘瓜蔓井邊苦李種道旁恨不嫁征夫猶得
守空房

怨歌行

白日不中天葵藿心空傾精衛銜枯木填海終難平金
石有時泐誰能保堅貞君子名疑謗徒使忠信輕在昔
漢班姬承寵居增成一失同輩歡中道摧光榮團扇開
篋底羅幕秋風生寒暄會當變年往憂來并恩深命誠
薄撫景還傷情吾欲竟此曲此曲聲多悲今日樂相樂
別後莫相疑

偶成

綠草平階處晴軒倚几時禽聲離樹得日影入簾知蝶
蘸閒窗墨蟲粘暗牖絲惘然成獨坐誰道憶心期

夜坐

片片銀雲白團團玉露清雨餘銷薄醉病久怯新晴花
碩園詩稿 卷十一 五
月三生夢江山萬里情可堪塵榻畔潘鬢已心驚

早秋

敞院忘殘暑秋天氣已豪樽開涼桂醕燭剪暗蘭膏團
扇愁將迫清砧響漸高芙蓉今欲採目斷楚江皋

得子倣入秦消息

得爾秦關信江東已及秋燕鴻懸舊夢洮月寄新愁意
氣聊長鉞功名只敝裘漢家宮闕在早晚悵神州

東門行二首

出東門望咸陽單衣敝欲穿奈何日午家無糧少婦牽
裙穉子哭仰視烏雀愁空倉仗劍出門去莫念兒女行
咄哉男兒貧苦他家富貴復難忘復難忘府中晨謁丞

相門下暮引侍郎黃金作階白玉爲堂願君一顧有輝
光黃金作階白玉爲堂願君一顧有輝光氣結心轉傷
男兒何不離故鄉

颺戾朔風侵弭駕東城陰城陰聞怨禽遊子徒傷心傷
心萬恨結溝水各鳴咽賓御慘無言卮酒此辭訣悠悠
向長道戚戚令人老春草綠方晚候蟲聲已早鄉俗不
可觀中夜思朋好盤石空自堅蒲葉空自鮮日月雖共
照歡愛若逝川綿憂多未竟歎怨心莫宣

借令五鴻調過計登易安居卽事

苔點遍階除扉開客到餘風喧綠桁鼠日暖出潭魚蘿
薜情猶在蒹葭夢不虛淹留詩思好應識浣花居

碩園詩稿

卷十一

六

七夕後一日飲學山園

晚酌來池上芳園感物華又看時節過須放酒杯賒玉
露沈殘月金風捲亂鴉星河猶悵望虛擬泛仙槎

送從叔麋涇之粵東增城令四首

彩鷁中流鼓角催華軒爭擁使君來一麾聊見鳴琴志
九折還餘獻賦才別後衡陽愁雁斷到時庾嶺憶花開
爲言秋月吳閭好莫厭離亭酒數杯

訟堂風物最清華瘴氣初銷日未斜鸚鵡報衙常代吏
荔枝充酒不煩茶邨人多種桄榔樹擢女爭簪茉莉花
莫道炎荒非重地政成謠俗儘堪誇

嶺徼山川盡勝遊應從吏隱得丹邱秋天車過芙蓉嶂

曉日帷寒薜荔洲古洞烟霞來玉女

何仙姑
增城人

空潭雷雨

出金牛

邑有金牛潭
即增江也

羅浮積翠佳無限更喜簾開一半

收

自是家門感慨深河橋折柳倍沾襟阮咸漫有追遊興
宗慤猶虛顧盼心千里風烟鄉夢寄三秋雲樹別愁侵
前賢遺跡依然在空憶增江昔日吟

唐韓文公宿增江
口有詩示姪湘

中秋虎邱即事六首

山塘七里月如霜夜夜笙歌開石場多少追遊花酒地
更無人肯弔吳王

江山風月漫淹留感慨無端逐勝遊為有英雄殘泪在

玉簫金管總含愁

碩園詩稿

卷十一

七

貰酒壚頭慰客顏愛看眉黛即青山誰家年少能行樂
嘗盡銀瓶不肯還

錦燈紅袖一時新踏遍芳隄處處塵別有雙鬟簾下立
夜深閒看上山人

酒船歌管競豪奢三五良宵客並誇積雨乍晴吾獨喜
故鄉猶有白綿花

回首繁華夢忽驚連宵花月也關情可堪拳脚孤蓬底
聽盡婁江夜雨聲

過碧霞禪院

寂寞贊公房相過正夕陽雜花間茗色殘雨潤爐香佛
影溪邊古經聲竹裏長欲參無住意坐此世情忘

秋郊獨步

平野蒼然色經遊望眼賒關河秋萬里砧杵暮千家淺
水浮荷葉寒烟濕桂花感懷空有賦故侶隔天涯

九日王鴻調招同郁計登楊令五周孝威許來鶴
張佩將覲文家次谷登鐘樓卽事

荒亭寥落倚寒空登眺還看氣色雄綠髻屢傷佳節過
清樽聊喜故人同樓臺晚映千家雨鴻雁秋來萬里風
回首舊遊如曉夢漫將感慨對霜楓

松陵社集得長字

銀燭光開月照廊欣逢勝侶壯詞場人來笠澤星初聚
節擬蘭亭夜亦長繞座笙歌催授簡滿庭茱菊佐傳觴
碩園詩稿卷十一
千秋總是尊前事縱酒何妨此夕狂

松陵道中

野水急孤舟風烟捲暮秋潮聲殘雨送山色斷虹收黃
菊他鄉酒丹楓客路愁江亭回首處十載記曾遊

知子倣尚留燕京有懷卻寄

一別三年久難逢消息真那知秦地客仍是薊門人旅
食寧容傲悲歌却稱貧南飛秋雁在莫厭尺書頻

無題

解佩夢魂勞前身憶漢臯俊才諳酒令逸韻壓花曹鶯
嚶歌喉滑鴻鷺舞袖高但矜姿窈窕不訝客粗豪香解
貽韓壽詩能寄寶滔麗情驕翡翠豔製比葡萄冉冉庭

中柱依依井上桃心方通綠綺淚已裏青袍南望悲烏
鵲東飛怨伯勞鎖愁金屈戍訴恨玉檀槽永閉憐團扇
相逢望大刀空餘當日事據寫寄霜毫

同商石夜話

聊共立亭客呼尊慰百憂雄才仍漢落壯歲且優游紅
燭三更話青編萬古愁乾坤何限事吾道欲滄洲

飲立照從兄齋

逸興偶然生開軒恰晚晴江山今昔話杯酒弟兄情野
水亭邊澗殘陽竹裏明還欣留勝地風雅繼前盟

代上白刺史

遼左雄風擅江東妙譽傳專城新製錦中土舊鳴絃績

碩園詩稿

卷十一

九

烈龔黃上聲名名杜前千家謳競遍七邑覲爭先桃李
宮牆色桑麻井落烟河渠功浩蕩俎豆澤聯綿野有張
堪麥囊無劉寵錢月臨鈴閣淨花映印牀鮮治已徵三
異官行見九遷識韓誠願慰借寇自心虔雨露沾原久
生成感更偏衰門甘寂寞拙宦媿地遭遊倦哀王粲時
危老鄭立趨陪叨綺席嘘拂荷華牋厚誼雲天薄深恩
肺腑鐫敢隨童叟後聊爾奏斯篇

舟過吳淞江

澤國揚帆去東風五兩輕暮山看不斷秋水聽無聲烏
雀邨烟遠雲霞海色明平生遊覽志天未不勝情

南邨夜坐有感

獨坐起長歎萍踪恨未安
詩書時漸少兒女計方難
夜永人稀寐邨荒地早寒
濁醪誰共醉空對菊花殘

南莊感興四首

草堂半畝枕溪邊
搖落重過絕可憐
歌舞舊遊如隔世
金茄殘夢尚當年
水邨月冷蒹葭夜
山市烟高橘柚天
回首轉思風景異
酒盃詩卷總淒然

蕭蕭木葉打雙扉
日日寒簷送夕暉
愁裏又看新節過
醉中忽憶故人稀
野風撼屋如雷吼
鄰火穿窗似電飛
却笑荒邨孤館在
明朝還見客帆歸

萬家朔氣動新寒
莽莽風烟眼倦看
病久自應詩興減
情多無那酒腸寬
楓霜蘆雪悲何盡
翠館銀箏慘不歡
碩園詩稿卷十一
夙昔壯心添醉裏
可堪落日倚朱闌
生計漁樵漫自娛
每因落魄恨頭顱
青山未許供詞客
白眼終當作酒徒
人似嵇康長嬾媪
田如楊暉半荒蕪
十年潦倒仍吾輩
回首空慚薛濑湖

憶豔四首

澄湖流水綠如油
兩槳東來載莫愁
淡掃最宜逢號國
雙飛恰合赴秦樓
蘭苔桂樹原連理
翡翠鴛鴦總並頭
消受幾番風浪惡
慙肯爲阿儂留

溪邊小笳繫青絲
向暝憂生賦別離
狂客漫吟三婦豔
佳人能誦十郎詩
方憐飛絮粘芳徑
忽訝流鶯嚙別枝
記得樂天留好句
來如春夢不多時

江天漠漠雪如花何意重過油壁車夜飲不憎銀燭短
曉妝偏愛玉釵斜新知半月情原稔舊夢三生愿尚賒
回首枇杷門外路幾時重訪薛濤家

自是離歌較厭聽天涯處處琵琶亭爲雲爲雨魂何
定愁水愁風淚欲零猶剩衣香隨隻影似聞酒令說雙
星宵來寒月空牀滿怕殺燈昏夢半醒

暮雨

邨舍蕭蕭雨憑闌意忽驚茶鐺疑浪沸漁火怪星明風
急欹蓑影烟深滑櫓聲預知明早事堂北小池平

除夕

節序一年終炊烟萬井同酒香盈盞綠火活半爐紅貧

碩園詩稿

卷十一

十一

賤原才短疎狂亦命窮蹉跎三十載折節媿張充

碩園詩稿卷十二

丁酉戊戌

結客少年場

驄馬鞚青絲遊冶翩翩兒出門仗肝膽恥與妻孥辭千金買七首百金鑄鐵椎長兄字慶卿小弟名要離殺人都市中不識姓名誰然諾古所矜平生貴相知報讐兼報恩糜軀焉足悲朝來咸陽道車騎方驅馳往來將相邸賓客多威儀今日謁武安昨日過魏其丈夫無意氣安用結交爲

春日偶感二首

寂寞玄亭恰早春獨攜殘卷送芳晨慣看交態渾如夢莫倚文章尚有神車馬久閒求仲徑江湖難避庾公塵碩園詩稿卷十二

朝來試認東風面柳絮桃花又一新

浮名從昔擬空花閱遍風光祇歎嗟漫道龍頭吾久擅何妨雞口客爭誇紅塵滿眼傷人事綠草連天感歲華自是侯門春色在飛飛燕子過東家

卧病偶憶

花草催新恨笙歌記舊聞琴心閒司馬詩興冷休文午睡濃於酒春愁亂似雲楚江環珮遠空憶弔湘君

過天宮寺永安山房贈立若上人

偶泛藤溪棹因成蓮社遊香臺雙樹迴佛火一龕幽法侶逢支遁詩才得惠休安禪長羨爾晚磬若相留

送孝威之燕

燕山名勝天下聞燕京佳氣方氤氳西擁太行東控海
高臺矗立千青雲世間何地多豪賢長安車馬爭翩翩
驕騮駉裹無不有往往珠勒黃金羈昭王樂毅雖已死
吾曹意氣還相似爲語當時擊筑徒周郎匣底橫秋水
河橋楊柳暗牽情今日驪歌送遠行一鞭欲別吳山影
千里將聽朔雁聲朔雁吳山君莫嗟萼羹羊酪俱堪誇
男兒貧賤無顏色去向皇都遊亦得若問菰蘆有故人
離騷美酒常相憶

抵白門有感

浪跡秦淮味已諳城頭今夕又停驂山河閱過渾如夢
身世看來祇自慙獻賦客還思薊北

謂子佩
素文輩

悲秋人獨

碩園詩稿

卷十二

二

在江南可堪玉露金風晚立馬垂楊酒半酣

金陵

地接三山影江吞六代聲片帆京口渡獨雁石頭城廢
剎鐘仍咽荒陵月更明興亡猶在眼凝望不勝情

邱中逢浦陽陳石人得亡友林衡者訃音衡者名

佳璣亦浦陽人

閩嶠吳關路幾程班荆各有異鄉情傷心最是逢尊酒
又聽山陽笛一聲

上督學蘇次公先生時謫江南藩幕二首

江東風物自清華更喜閒曹樂事奢放艇每邀查浦月
揮毫時詠秣陵花曾遊烏府官仍隱但對青山吏即家

聞道 聖朝恩寵近不須頻弔賈長沙

幾年宦跡任乾坤回首談經席尚溫知有百城心自足
何妨五斗道偏尊春風絳帳留遺澤秋雨青衫感舊恩
弟子窮餘原憲在可堪潦倒拜師門

八月十五夜闈中作

淒涼寒廡一燈吹驚起清宵玉露垂百里帆檣猶入夢
五更鈴柝似催詩虛看白月難成醉未脫青衫不免癡
此夕南樓有佳會可能無憶庾元規

歸舟

木葉送孤舟歸程及晚秋丹楓江上驛黃葉寺前樓月
曉娟娟墮潮寒泯泯流山河無限事把酒玩吳鉤

頤園詩稿 卷十二

口占

三

虛窗風雨送悲歌點點貂裘淚不磨冷面最羞親戚見
閒心獨喜友朋過何人有識憐曹沫此夕無嘲解下和
予省試不售者已三次矣回首十年燈底事醉中長劍自摩挲

棉花行

前年棉花貴於稻今年棉花賤如草貴賤休爭價一時
天公萬事能顛倒東家種花日夜忙綠房紫穗垂光芒
秋雨十日忽爛死官租私券無時償西家種花土焦赤
溝邊青草高一尺農夫終歲倚鋤看雞肥酒釀邀賓客
君不見書生被劓歸耕田秦城趙璧皆徒然又不見錦
衣白馬誰氏子鄉里小兒竟如此

殘夜

殘夜登樓且自娛，憑闌秋思落江湖。
萬家砧杵悲無盡，九月星河淡欲無。
已見青霄猶故侶，方得子佩庭表捷音何妨白眼是吾徒。
孤雲西北堪搔首，潦倒還須憶鄭蘇。

無題

粉牆朱戶是誰家，記得坊名近狹斜。
金鴨飄時香作篆，玉蟲綴處燭爲花。
三年舊夢思巫峽，一夕新遊話若耶。
最好紗窗筵散後，偷將小曲按紅牙。

逗殺歸期是小紅，相逢却惜兩相同。
宓妃舉止嘗臨水，趙后衣裾不耐風。
曉榻舞鬟曾倩整，午窗香袖每分烘。
欲知那處離魂斷，只在河橋落照中。
已上丁酉

碩園詩稿 卷十二

四

上元行

漢家燈火連天起，香塵滾滾盈街市。
複道交衢樂未央，千門九陌歡難已。
雜踏初驚火樹連，參差還訝星橋倚。
火樹星橋動地來，高棚廣幕恣徘徊。
玫瑰柱自鰲山出，菡萏花從鳳島開。
鳳島鰲山在何所，青槐夾道開朱戶。
隱隱疎簾捲水晶，沈沈綺帳垂雲母。
桂酒蘭肴堂上筵，龍簫鼉鼓階前舞。
富貴誰踰田竇家，豪奢獨數金張府。
田竇金張此夜遊，三條五劇鬪風流。
紛紛上客皆珠勒，兩兩妖童盡綠繡。
追遊更往城南陌，繁華別有王侯宅。
紺幃朱輪出每遲，金蟬翠靨看尤劇。
翠靨金蟬照萬家，酒樓花市月方斜。
忽聽前坊嘶寶馬，迴看曲巷轉香車。

寶馬香車似相識傾城一見嬌無極綠珠壯束本西京
碧玉腰身自南國可憐爭欲逞容光可憐盡解誇顏色
曉來重過酒壚邊多少飄花與墮鈿已覩勝遊成往事
不堪韶節誤芳年韶節芳年屢更換碧海桑田動長歎
環珮俄隨暮雨飛綺羅已逐朝雲散舊事猶傳太乙祠
蘭烟麝火異當時閒庭獨立吹清管落到梅花第幾枝
邨莊看梅得四絕句

淺水疎籬一徑斜香清寒豔儘堪誇縱教玄圃層層雪

不及曹家樹樹花

主人姓曹氏

銅坑萬樹總虛名高下參差路幾程誰似千株香雪裏

今宵支榻夢魂清

碩園詩稿

卷十二

五

仙妝縞袂欲從風廊底無人月正中想到啁啾翠羽處
自疑身是趙師雄

輕撓小艇葦花灘滿載餘香夢尚寒換却前人舊詩景
灞橋驢子雪中看

清明日旅懷

百里春潮夢幾迴更逢寒節重徘徊長隄楊柳驚齊映
廢塚棠梨覺乍開懶甚漫同中散志病多只乏長卿才
蘭觴寂寞無人共愁殺明朝上巳催

是日爲三月朔二

偕孝威令五飲子存從叔齋

小館疎簾曉氣清相逢寧惜玉壺傾琅玕帶雨娟娟潤
蛟蝶迎風冉冉輕車馬十年身世夢鶯花三月友朋情

邀歡剩有吾徒在長嘯還應讓步兵

謂子存叔也

述古三首

鷲鳥伏其翼所擊皆摧殘神龍欲升天厥初且泥蟠動靜理至微惟貴能深觀古來隱者流豈止謀身安求仙梅子真賃春梁伯鸞遺踪不可見矯首青雲端

萬物各有者風會斯推移當其所趨鶩譬若車輪馳揖讓與干戈巧智仍相師巢許志彌上殷周道益卑淳樸日以邈孰與還皇羲攘攘衣食間人生竟何為

慷慨魯仲連明哲張子房奇才托談笑至理觀行藏浩歌懷伊人千載終難忘由來聖賢事卷舒各有當聃周道誠妙管葛圖亦良彼哉章句儒迺作籓籬防

碩園詩稿

卷十二

六

豔曲八首

曉日長楸道西風下杜城千囊懸繡桷萬戶隱雕楹街前看走馬樓上聽鳴箏

柳色長堤合鶯聲上苑催銀鞍花底過繡轂月中回更看羅幌裏蘭炷未成灰

夫僭執金吾監奴馮子都行杯驕琥珀把玦重珊瑚座引三千客門臨十二衢

生長金張宅經過趙李家明璫垂欲墜寶瑟倚還斜十五鷗雛鬢含嬌未敢誇

槐里歌鐘舊藍田甲第高姬人張靜婉小史鄭櫻桃出門相訪者盡是五陵豪

寶劍逢人贈珠丸到處投輕驅多白鼻健僕有黃頭日
日倡家醉傳聞是子侯

紅窗雲過處綠苑月來時豔婢歌桃葉妖童舞柘枝蘭
燈燃激激桂酒酌遲遲

堂上琉璃榻圍中玳瑁牀帷開雙翡翠衾合兩鴛鴦願
作同棲鳥歡情夜夜長

楊白花

楊白花深宮好顏色燕子每銜來年年自相識何意春
風送別離吹往江南棄江北江水不西流金鋪日夜愁
盡言楊花飛滿路誰向江頭種楊樹

東飛伯勞歌

碩園詩稿

卷十二

七

東飛伯勞西飛鳳銅鑰威蕤鎖春夢誰家女兒臨新妝
輕羅弱翠風吹香低鬟微盼出洞房含情美態嬌無方
女兒年幾三五時玉顏不向門前窺門前楊柳啼棲鴉
空留可憐獨長嗟

白紵詞二首

輕紈新剪鋪朝霜美人妙舞驚翔佯羅袖徐曳嬌難方
凝睛微睇窺塵光長飈遠埃蘭蕙芳四座勿喧進澄觴
絃繁管急態轉新願持芳意奉嘉賓與君歡樂期千春
燈繁月微舞遲遲美人香汗盈雙題流精送豔隨風吹
游龍翔鶴搖心思鈿飄珥墜餘光輝東方未明相晏娛
吳娃十五真傾城玉蔥低垂歌一聲燕裙趙帶皆虛名

燕歌行

秋風蕭颯塞鴻翔蟋蟀悲鳴在中堂
易水早寒燕山黃誰能無家住朔方
念君客遊多風霜憂來樂往徒愴悵
搔首北望裂肝腸會日苦短離日長
羅幃淡月涼清光援琴欲奏乖宮商
人生別恨誠難量西爲弱水東扶桑
中夜起坐攬衣裳何時征夫還故鄉
雙情永持歡未央隴頭水

隴阪千層雪羌江一片沙崎嶇方就道
嗚咽正思家雁塞分還遠龍城帶未斜
征人無限淚回首寄悲笳

出塞曲

絕漠更長驅新分上將符清霜高畫角
朗月滿雕弧殺

碩園詩稿

卷十二

八

氣能枯草軍聲欲避烏前鋒聞轉戰
夜半渡飛狐

入塞曲

去踏榆關草歸看蔥嶺雲銀驄猶雪色
寶劍轉星文舊署稱都護新勳號冠軍
玉門重入處簫鼓擁微醺

折楊柳

怪殺春光到條條故放青花飛來去
路魂斷短長亭漢苑風初起河橋酒半醒
可堪攀折意吹向笛中聽

關山月

銀漢光方滿清輝到處多已窺玄菟郡
還照白狼海九月霜徐墮三更雁忽過
空閨思婦在今夜恨如荷

雒陽道

佳麗傳來舊東京是雒中樓臺三市出花月九遠通金
谷銅駝地青槐綠柳風羊車看陌上潘夏正相逢

長安道

鳳闕斗城西香風滿繡隄千門宮草合十里苑雲迷細
柳風調馬長楸晚鬪雞經行皆大道終日醉如泥

梅花落

驛使書誰寄江城恨未休隴頭千里夢笛裏數聲愁似
雪飄芳徑因風度畫樓寒香知尚在還與唱西州

紫駱馬

蹀躞勢無前春風試錦韉花明金匱匝草映鐵連錢踏
遍紅樓雨嘶殘紫塞烟還看馳萬里躡影到居延

碩園詩稿

卷十二

九

雨雪曲

霜積風初起冰河雪已飄陰雲寒不斷朔氣晚難銷白
草平原薄黃榆一夜凋長城孤劍在空憶霍嫖姚

劉生

年少東平客從來任俠倫經過樊仲子來往趙王孫一
劍堪除怨千金解報恩昨宵車騎過朱邸盡開門

子夜四時歌

隔浦桃李樹吹作香風來碧樓卧春月羅幃時自開
採蓮向蓮塘念思歡別久試覓蓮根看單絲不成藕
白露夕已零桐花曉還落不愛秋風涼恐歎衣裳薄
空閨愁歲暮獨坐燒蘭缸故儂今已矣新儂可成雙

冬

春

夏

秋

金閭邨中雨雪承子叔燕歸過訪

歲晚金閭路多君能枉尋忽驚燕市近敢道剡溪深五
載重逢面三秋欲見心可堪分手處風雪正寒林

丙舍即事

茅屋聊棲息天寒少客過松杉催恨切雨雪送愁多孤
影餘鴻雁悲風自蓼我古來人子事回首涕滂沱已上戊成

碩園詩稿卷十二

十

碩園詩稿卷十二

終

五十年無讀此詩

碩園詩稿卷十三

巳亥

遣興五首

鰕鮒止潢潦鷄鶡遊蒿林所苦棲托微恆畏呂弋侵曠
途寄肥遯懷彼箕山岑顧此邱園中非無湖海襟咄哉
廣武歎阮籍真知音

子雲執戟郎草玄終白首仲蔚蓬蒿居半畝亦堪守自
信樗櫟姿畢生任枯朽曳裾向王門折腰受驅走不如
縱笑歌閉門飲醇酒

朱顏不久駐逝駒殊可驚勞勞百年內學道何難成曩
懷神仙侶髮鬢雲中行羽衣素霓裳駕鶴吹玉笙我欲
從之去往訪安期生

碩園詩稿

卷十三

古人重紆縞此意今淪亡虎欲齧豪賢枳棘充道旁朝
爲壘與麓暮爲參與商臬鸞固難分翻覆斯其常三復
翟公誠息影誠良方

黃雀愁空倉苦飢長鳴咷旅雁謀稻梁沙渚聲嗷嗷今
春邁霖潦百里俱波濤男穀與女絲十室九煎熬但秉
烈士心凍餒安足逃

春夜集子俶齋

交情猶喜見綈袍促席春宵興轉豪座上令傳鸚鵡杓
屏間絃出鳳皇槽三年燕市黃沙暗二月婁江綠水高
此夕西窗同話舊對君真似飲醇醪

偶遊支硎口占

柳條綠遍麥風柔，乘勝還尋竟日遊。仰面青山如欲笑，回頭紅粉不知羞。籃輿舁處皆陶令，畫艇裝來盡莫愁。最好餘尊猶未罄，滿隄明月送歸舟。

哭從弟天植四首

音信傳來異

弟病殆時予方在郡中

驚看竟若斯，影分鴻雁字。腸

斷鶻鴒詩年短，才偏美門衰。禍轉奇澄江，風雨節長憶。對牀時

萬事俱泉壤，雙親尚客途。

從叔尚官粵中

青春嗟少婦，白憤慟

遺孤。婁水書難寄，增江眼欲枯。人間無限恨，堪訴夜臺

無

英妙欣推弟，蹉跎媿作兄。羽毛剛欲滿，頭角竟何成。彩

頤園詩稿

卷十三

二

筆生前夢朱幡，死後名懸知。摧玉潤樂廣，倍傷情。

弟爲吳梅

村先生愛婿

厨俊名猶在人，琴痛自饒共。悲蘭蕙墮，獨惜棗棠凋。病似相如得，魂隨楚客招。土中埋玉樹，此恨可能銷。

酬白琅陶月嶠見慰之作時月嶠寓吳門方有詩

筏一刻

百里音書喜，忽聞六年踪。跡記離羣海，陵舊夢方流水。茂苑新愁更暮雲，顧我尚慙荀奉倩。羨君直似沈休文，何時重接西園會。共把芳尊話夕曛。

閒庭

閒庭日落亂鳴蟬，回首繁華歎逝川。柿葉漫悲三月後，

用李義山
詩句意
桃根忽記十年前
潘郎憔悴身猶在
謝婢飄零夢未圓
多少酒闌燈地處
一回追想一淒然

烏棲曲四首

城南啞啞啼棲鴉
知君今夜宿倡家
寒燈還照當窗織
機上鴛鴦並鷓鴣

天星漸稀月將午
郎今不來妾心苦
牆頭西風吹碧梧
腸如銀牀牽韉轡

菱葉荷絲成一片
與郎朝夕期相見
桂樹爲檝沙棠舟
來往不作風波愁

瑤席瓊閨歡不足
銀箭金壺已頻促
堂前猶自煎蘭膏
門外霜白雞三號

碩園詩稿

卷十三

三

採蓮曲

蓮浦淨蓮潭
幽蓮房冷蓮衣秋
南塘蓮葉過人頭
南塘之水碧似油
十五女兒來蕩舟
櫂歌徐發詣中流
菱花菱角相攀留
飄紅墮翠香風浮
相思千里空綢繆
蓮心獨苦無時休
藕絲不斷長牽愁

江南曲

江北廣陵城
江南潤州路
未到江北行
先向江南渡
江南春色吳王宮
上已清明三月中
蝴蝶飛來燕子去
桃花雨接麥花風
風吹城頭萬楊柳
紫陌紅塵漫回首
十二吳兒解刺船
十五吳姬堪壓酒
眼前風景何曾惡
暮暮暮朝朝
好行樂
獨有高樓斜倚人
傷離悵遠愁珠箔
高

樓珠箔且閒居
潮落潮來空寄書
清淮大河不可見
誰買長江雙鯉魚

京口十首

烽火喧傳萬歲樓
長江忽似向西流
朝來估客回舟處
惡浪狂風古潤州
十萬樓船到此停
金焦依舊兩螺青
不堪置酒江亭望
瓜步潮來戰血腥

江城昨夜羽書飛
忽報中丞已被圍
金印牙旗何處去
空鞍惟見鐵驄歸

重鎮虛傳鐵甕名
海雲如蓋覆江城
桓公舊語何須記
今日休誇北府兵

碩園詩稿

卷十三

四

長江天塹水潺潺
瀨下瀨去復還
聞道蕪城秋色好
西風吹過石帆山

陪京從昔控三吳
淮水還堪引舳舻
南北須爭龍虎地
英雄定識帝王都

高皇龍起舊傳聞
采石由來好策勳
自古上流須節制
隔江宜駐水犀軍

晉陵風物已淒涼
鼓角聲聲似戰場
燈下偶翻殘史看
正逢吳越與南唐

日落吳閫夾道譁
移營爭說令公家
三千戰士皆金甲
十隊歌人盡絳紗

太白芒高映麗譙
礮車雲起更連宵
未知楊子三秋浪

可以錢塘二月潮

謂南宋德祐時事

黃州杜于皇阻兵久客婁中賦贈二律慰之

十年郢曲繫心期一日班荆慰所思
詞賦忽驚逢異世亂離猶喜話同時
鴛湖草綠征帆杳雞阜峯青客夢遲

于皇久攜家寓白門時將遊禾中

名士古來飄泊慣君家先有少陵詩

滿眼黃塵厭甲兵更憐楚國滯歸程
涼窗雨歇鴻初急古寺鐘殘月倍明
作客固知宜亂世離家誰道又危城
莫將庾信江南淚一夜平添白髮生

偶過隆福寺

招提獨訪興堪乘飛閣苔蕘晚忽登
萬事無過投淨社百年誰似作閒僧
蓮花偈冷收晨磬貝葉書多散夜燈

碩園詩稿

卷十三

五

齋罷更尋禪榻坐即論初學亦心澄

集立照兄齋中

涼宵高會可銷憂
鱸似冰絲酒似油
乍見曹分爭博塞
徐看燭盡尚探鈎
珠丸隊隊春生座
玉樹聲聲月滿樓
潦倒正逢行樂地
莫將烽火繫閒愁

柬計登

故人形影閱滄桑回首綈袍轉自傷
半世親朋疑夢寐十年車馬悔行藏
憐君憔悴貧非病媿我疎頑醒亦狂
却喜城南秋色好明朝相訪讀書堂

麋涇叔自嶺南棄官歸阻兵未得抵家奉懷二首

家庭回首已關河
此日歸裝竟若何
天濶三江秋雁少

風高五嶺暮猿多鄉書難向軍中寄宦況應如夢裏過
空有故園烟月在尊鱸時節歎蹉跎

蕭蕭旅鬢正逢秋無那干戈阻客舟山色番禺應北望
水聲章貢不東流菊松入夢惟高枕烽火關心更倚樓
想到越王臺下路枕椰榆葉總堪愁

秋日即事四首

今年秋色易傷情鰲角平添幾夕驚海氣西來浮震澤
江聲東去鎖臺城一身貧賤還離亂十載征徭更甲兵
回首興亡青史事通宵起舞趁雞鳴

樓船橫海舊登壇金甲雲旗遶暮灘王濬舉帆風正急
符堅投筆水猶寒由來北府屯原重自古長江守獨難

碩園詩稿卷十三

六

浮玉山頭兵十萬帳中好把陣圖看

艤艦空自列戈矛鐵騎俄驚擁上流帆勢欲侵通海路
笳聲還出枕江樓初傳侯景圍姑孰轉歎孫恩向石頭
戰罷僅留殘壘在蘆花楓葉不勝愁

江北江南路未遙眼看烽火總蕭條離宮花草千年淚
故國旌旗半夜潮舊夢漫從愁裏過秋聲欲向雨餘銷
尊前有客堪同醉且對殘陽話六朝

送州大夫白公四首

人言作吏難獨有白公易興利若渴飢除奸特遊戲蔡
樽種萑茹羊茂買鹽豉以公較昔賢冰心更何媿公來
萬民謳公去萬民淚他年信史編新朝首循吏

西門鑿漳流黎民盡歌舞信臣浚渠成南陽呼召父今
日新開河綠水鳴雙轡不見三年前阡陌尚乾土偉哉
白公隄其利一何溥隄邊折柳枝送公涕如雨
古稱文武才如公洵非偶晨興簿牘完豪吟可千首或
時走青驄穿楊在雙手昨來風鶴驚城中獨安守弭亂
得所宜么膺亦何有銜恩送吾公辦香遍童叟

六載婁江城聲名並龔汲倏爾浮雲侵奪公何太急門
牆盛文儒聞之咸雨泣昊也一小生衣裾亦霑濕落日
照雙旌悲風滿原隰感激不以私俚謠或堪輯

日本雙刀歌爲子存叔賦

鷓鴣之膏雙干將燈下拂拭生神光青蛇赤蛟欲隱躍

碩園詩稿

卷十三

七

忽令四壁驚寒霜雀環猶黃犀靶黑精鐵傳來海東國
風胡歐冶知何人却帶千年戰場色婁城斗氣非糗糊
雄者不飛雌不呼牀頭中夜肯相守吾家大阮頻摩挲
男兒意氣自奇突試脫儒衫舞回鶻莫借他人去報讐
尊前且伴封侯骨

八月十四夜隆福寺前看月

魚尾霞收日脚白碧瓦高梧媚晴夕夾道香風起叢桂
古剎廊深殿長閑此時單絞生微寒仰看海嶠升玉盤
良宵猶未及三五却喜清光照心腑坐瞰門前綠水池
千頃激灩浮琉璃遠近秦簫聞湘瑟鮫宮疑捧明珠出
夜闌客散北斗斜枝頭啞啞聞啼鴉人生適意在杯酒

仰面屋梁亦何有作鱸還須斫紫鱗擎杯只擬呼紅友
春花秋月無時無西兔欲落催東烏今我不樂何爲乎
燒香曲

桂花露濕南閨暮朱火青烟暗相護牆角明蟾方欲斜
羅幌氤氳鎖烟霧何處風飄蕙麝香闌干十二鬱金堂
午夜軸簾聞細步玉人猶自怯新涼石墨微紅博山熱
雲母薰來遶魚鱗宵柝空傳第幾聲虛廊啼殺閒蜻蛚
回首銀灣剩兩星爐邊縷篆尚青青那堪此夜秦樓月
一曲簫聲夢裏聽

鹿城吏

打門鹿城胥云是郡丞使郡丞攝令篆新奉上官言軍
碩園詩稿 卷十三

興急秋糧千家盡鞭箠連夕飛符催輕舟特來此僕夫
乃將命婉轉告鄉里主人素習儒家世住城市今年兵
革餘天雨苦不止僅存百畝田收獲未曾始縱有饘粥
資搜剔盡膏髓秋糧誠願償急公事難已獨慚供晚餐
僅可及二簋胥聞忽作聲汝言大非是吾昨過西村羅
列遍雜豕今吾到汝家所飲惟寡水秋糧何必償但須
郡丞喜郡丞愛金錢汝家豈無耳丞喜吾亦歡那移數
行紙拮据完上供走勞補瘡痍子也聆斯言入戶足如
枳孰知國計艱誅求更姦宄丞怒猶自可胥怒民立死
誰寫春陵行獻之聖天子

感懷十首

亂後山河感慨深，高樓秋倚倍傷心。愁看白骨皆青草，
怕聽金鏃更玉砧。買爵競知求卜式，飛書誰曉薦陳琳。
東南是處封侯地，落日菰蘆獨嘯吟。

江城木落又秋分，漫想昇平對夕曛。桂玉千家惟冷市，
烽烟百里更新軍。哀鴻況是愁邊過，斷角寧堪醉後聞。
見說稔年猶在望，今宵應有覆車雲。

京房易占云黃雲如覆車爲大豐

落魄多年影欲孤，西風何地不窮途。耗磨世事憑詩卷，
約畧行踪在酒壚。白眼既遭人偃蹇，青衫合聽鬼揶揄。
連旬賸有飛揚意，却喜秋來病骨蘇。

一廬棲托傍城闌，未有星芒表海濱。閱世已知寧作我，
論才原道不如人。漸看晴月臨青桂，劇愛涼風動白蘋。

碩園詩稿

卷十三

九

秋色滿郊堪暫賞，冷吟閒醉莫辭頻。

閱盡風塵且息機，無論萬事與心違。陶公達甚惟持酒，
阮氏貧來亦曝衣。立草不須傳後世，清談聊足解重圍。
人生行止俱萍梗，任遣浮雲送落暉。

滿庭黃葉冷茅堂，故友追思各一方。不信風流成昔夢，
忽驚寥落似他鄉。閒階蛩蟀翻殘雨，遠浦鷓鴣散夕陽。
此際倚闌還獨酌，劍歌空憶少年場。

屈指才名轉自嗟，任他白鳳與靈蛇。詞壇雞口吾原忝，
行卷牛腰客莫誇。每恥雕蟲真小技，未聞刻鵠可成家。
旁人倘問文章事，獨向江天數暮鴉。

斜陽衰草幾徘徊，往往秋深倦舉杯。子敬有琴曾入夢，

安仁多淚未成灰
心關兒女情偏重
話到家門事轉哀
傷悼更逢搖落候
可堪吟罷橘花開

芳筵花酒足清秋
幾夕追陪淚欲流
情逐年銷魂漠漠
人隨境往路悠悠
萸蒲燧短無新句
阜茨橋荒少舊遊
回首敗荷衰柳在
楊州殘夢也牽愁

烏盈兔缺總徒然
學道誰人悟上玄
烹盡鼠肝何足論
鬪來蝸角更堪憐
桑田偶變終成海
野鶴雖歸不記年
爭似壺中真樂好
小窗支枕夢遊仙

碩園詩稿

卷十三

十

碩園詩稿卷十三

終

關東文部館重訂陸家刊連號

碩園詩稿卷十四 庚子

春日集爽庵從叔齋中

又看芳草綠今年共惜春陰此日偏酒色醜如新柳嫩
歌聲嬌學曉鶯圓莫嫌白眼人長醉且喜烏衣客盡賢
倒載尚留餘興在明朝還是看梅天

山塘春夜汎舟即事

晴江畫舫總相宜彷彿湖亭遇水嬉促席藏鈎鶯送酒
分曹刻燭月催詩花光莫定微醺後柳色難忘欲別時
明日尋春來曲巷誰家門外有斑騅

遭難詩九首

順治庚子年四月坐嘉定事株累被逮

碩園詩稿 卷十四

萬物嬉春陽忽有嚴霜飛九閣不可叩比首徒獻啼轅
馬正在塗稚子猶牽衣親朋進羽觴別淚聊一揮人生
豈繫匏勿問何時歸

朝候中丞門暮伏太守堂太守怒作色胥吏皆虎狼轉
側泥潦間驚魂逐琅璫捉縛似犬雞驅迫入園牆子弟
五叫嚎僮僕走踉蹌撫心還自慰往哲相頡頏風淅慕
羨里遭逢思冶長逼側天地間千古應同傷

憂患聖賢事時亦丁庸愚當思穹昊心玉汝寧區區神
龍入泥淖鳳皇受羈箠逢遘靡有常何必皆亨衢不覩
艾與蕭森然各榮敷自媿非蘭蓀已見當門鉅

烈火燃崑崗玉石皆懼災羅罟布空中覆盆負餘哀腐

草無輝光誰與噓寒灰張子不可作森然徒棘槐解驂
古何人搔首空徘徊

鬢角嗜文史兼喜美柔翰志節非敢矜行誼初亦端胡
爲陷冤獄痛絕摧心肝中夜起結衣展轉思難安翠以
色自戕麝以香自殘小才失晦藏虛名橫相干用此定
爰書或者稱不刊

颺颺悲風興冉冉浮雲旋歲序銷芳榮彭聃亦徒然端
居且寡歡而況文網牽念此六合內幽憤殊難宣人世
樂幾何髣髴非久立吾欲齊得喪高詠莊生篇

自我羈郡邸夏來倏復秋萬慮已都遣軀命俱蚍蜉回
思塵世事湛飲真良謀每逢檐月上或值庭雨收陶然
碩園詩稿 卷十四 二
盡數盞不知身爲囚但恐無酒時何以銷百憂

玄蟬鳴未歇蟋蟀吟更頻物類相感通候至每一新而
我獨不然淹留此連旬抱影屢長歎斃獨無交親昨有
遠方客忽貽雙錦鱗開緘讀未終情欸知殷勤努力勸
加餐語意良諄諄願子愛景光以茲報古人天道倘有
知黍谷終迴春

枯條驚飄風摧折心徒悲貧窶勿重陳患難仍相隨維
昔賢達人其言良足思貴賤與苦樂大抵迭復爲胡子
厄陽九茹荼靡已時三復无妄爰載詠有鬼詩所賴歷
艱險忠信以自持

驚聞黃紙下欲作赭衣行東海冤誰白南冠氣不平風
霜侵客鬢天地入秋聲還羨稱臣甫含淒紀北征
婁水家先破燕山路正長愁偏牽兩地慘欲奪三光濺
淚深更雨驚魂暑月霜古來文士傳或許繼鄒陽

遊三寺詩

予以牽染北上自夏迄秋行期未定中間繫獄
者凡五日歸家不及半月其餘則皆在郡邸時
也邸苦湫隘幸近邸有三古刹晨昏無事輒往
步焉徘徊久之感其興廢之跡因各繫以五律
一首用誌遊槩云

一路蟬聲裏相隨到上方香烟珠像古雨氣石樓涼鉢
碩園詩稿卷十四

洗雲生澗燈燃月遶廊舊時龍藏在瞻仰說神皇開元寺

講席新開處招提路細尋青蓮看法座翠竹見禪心塔
影高秋漢鐘聲迥暮林無生叅未得憩此獨長吟瑞光寺

空說支公地寺爲茂陵老人道場山門已寂寥乍看僧影出祇有

佛幡飄院古稀燈火田荒亂收樵殘碑捫讀罷相與說

前朝報國寺

寓半塘龍壽禪居雜述五首

愁雲正變黓萬里埋輝光人生屯阨中觸景成愴恨何
意逢良宵勝侶仍相將聊以羅網身棲息茲山塘恍然
水精域忽而聞天香松聲冷佛龕鳥語靜僧房顧此錙
錫儔暫得心清涼擬從無怖處證入無生鄉湯火與刀

砧今夕姑相忘

喜遊竹林園獲侍金仙子名跡屢討探不知日移晷晨
興罷粥魚相與坐烏几開函覩蓮經血光現青紫煌煌
宋文憲一偈臻妙理更尋雉兒塔遺跡尚堪指回身憩
荒殿老僧談未已斯地百年前樓閣競鱗齒緇流及千
人喟誦徹遠邇零落迄今時山厨但糠粃燈花空青熒
棟樑半頽圯屈指東晉朝凡經幾成毀世事亦何常佛
力且如此

憶昔癸巳歲過此曾停轅爾時正脩禊賓客誇梁園絃
酒相追隨車笠盟弟昆到今倏八載詎知被奇冤所傷
在羈繫獨坐吟空軒淒淒四壁間燈暗蟲復喧捫襟感

碩園詩稿

卷十四

四

曩今陡然驚心魂榮辱固易遷悲歡亦何煩已矣成蹉
跎往事難重論

晨夕供倚徙古木橫庭中週圍所蔭庇大畧三十弓根
株併皮色撐突兼青蔥寺僧爲子言萬事由蒼穹去年
值軍興官府造朦朧估計柁與檣斬伐方匆匆是樹屢
盤驗朱粟曾簽封誰料免斧斤翻賴內朽空孤根痛搖
悴聞此百感攻自怪樗櫟姿終亦遭奇窮反覆天人間
何以全微躬

吳儂最好遊一年四時樂喧聒惟中秋尤多虎邱約從
來山水奇此輩本忽畧即或載笛歌總非爲杯酌窺其
意所趨大都以酌酢伊子患難人性兼近寂寞儕好久

睽違盤殮亦粗惡祇愛古剝幽開懷暫棲托空階獨坐
時聊復引三爵不知世有人酒肉競薰灼午夜蟾光生
清輝滿僧閣山風吹颯然疎疎桂花落

石湖秋汎紀事

曉作楞伽行片帆挂初正湖水平於席湖天淨如鏡山
容翠欲浮迫暮妝彌靚素月升東隅餘霞更輝映飛鳥
與孤雲覽物適真性詎意風波中乃獲此游泳因茲散
沈憂持觴發清詠披賞猶未窮銜歡惜難竟忽然黑霧
生不覺涼颺勁猛雨打船頭徒侶盡奔迸始知斯世間
萬事有衰盛晨晡幾何時繁華莫相競

虎邱席上贈歌者蘇崑生故寧南侯幕中客也

碩園詩稿

卷十四

五

秋山塔高響鈴鐸有客移尊就孤閣一闕清商度未終
暗令征夫淚雙落由來妙藝須精思驪珠徐吐忘竹絲
片言指摘入神妙驚殺吳中老教師蘇生蘇生負高識
咀羽含宮出胸臆堪將逸響比前朝段老琵琶李暮笛
吳俗淫哇競舌唇年來腔譜爭翻新郢曲雖高和原寡
豪貴莫救蘇生貧誰知賞鑒風涼客只有當年幕府人
幕府遺踪尚堪數百戰方閒卧荆楚猶記胡牀對伎時
萬帳鳴笳更搥鼓乍引當筵奏羽聲能使君侯醉起舞
一朝烽火遶城紅鄂渚樊山戍盡空已覩平原散賓客
還看天寶哭伶工南樓明月西門柳夙昔繁華竟何有
孤身獨上浙江船荻葉楓林漫回首只今潦倒金閨行

單衫短憤輕公卿時向燈前談往事颼颼四座寒風生
可憐白雪歌仍在知已不見徒傷情窮途此日初逢爾
共感飄零歎流水舊調虛傳阿濫堆新詞欲咽河滿子
擊筑吹簫總斷腸眼前江左似他鄉何哉未老嘉榮在
留與詞人話武昌

暫歸二首

此後行千里歸來且一旬關山連夕夢兒女暫時親雁
字愁方遠燈花喜未真秋聲聽處處回首倍酸辛
去矣將行役俄焉又復旋巫思尋故友劇喜對殘編衣
薄燈前酒花香雨後天江南秋正好無那別情牽

偶感闈期特柬鴻調四首

時鴻調以讀禮子以
坐事皆不獲預試

碩園詩稿

卷十四

六

幾年踪跡滯儒冠邇日追遊轉不歡馬齒已知拋去曷
龍頭纔信掇來難最傷潘岳與先冷自嘆江淹獄未寬
剩有舊時同學伴

謂計登輩還期雲路接鵷鸞

新樣方誇織錦坊誰知彩筆竟荒唐唐休論猿臂名俱震
但說蛾眉意總傷君廢莪蓼剛此日我牽鼠雀欲他鄉
會須滿酌英雄酒廣武山頭哭一場

省門三踏不曾收與子連年泣敝裘壯志昔偏遭燕雀
長途今始重驂騮剖餘白璧心空在選得青錢願未酬
聞道此番寒峻好司衡真似李崖州

又逢桂子與槐花話到前程轉歎嗟十載我虛稱繡虎
三冬君枉握靈蛇天香月色人爭羨大句狂才客漫誇

屈指江東名士輩錦標奪得是誰家

送舍弟次谷移居四首

爲住烏衣慣移來亦故居

弟新居亦琅邪舊業也

只如遊別墅恰

好貯藏書夜月桐陰淨秋風桂影疎此中能避世何必問樵漁

依然城郭裏彷彿畫圖間屋矮多依水林深似占山琴尊臨壁靜雞犬入門閒自是詩人宅相期日掩關

廣廈何須住幽居念亦深且支門戶計聊慰鶴鴒心意氣原湖海生涯自古今惟應求仲輩酒熟屢相尋

江南汝住好薊北我行頻粉梓看猶舊冰霜閱正新雁行千里夢草色一庭春最羨東頭屋歸來願卜隣

碩園詩稿卷十四

七

放榜後再東鴻調四首

雄心與爾未成灰又見升沈事幾回命也文章寧有價時乎骨相總難猜空懸月殿三年夢未展風簷一夜才漫喜故人方得路

謂盛子珍示輩

唾壺敲罷有餘哀

名場變化總關情曾向瀛洲問路程豈是畫龍原足好便教談虎也餘驚乳鶯新燕今朝鬧老桂真松異日榮夔伏尚留吾等在少年裘馬莫相輕

只於片刻判雲泥莫怪他家五色迷一日詎爭長與短三生原合笑和啼何曾李杜虧名望自是曹劉借品題倘道扶搖終有日且將六翮養教齊

妍媸甲乙又翻新袖手同觀局內人和壁則來空有淚

楚弓得處本無因
數行淡墨寧須羨
一領銀袍未是真
蚤晚知君脩白業
幾時證却淨名身

哭章六湘御四首

鄰笛初聞第一聲
橘花菰葉總淒情
要離墓近心應在
子敬琴亡恨不平
每訝避人疑厭世
豈知縱酒竟傷生
可憐夙昔相期意
綠鬢紅顏識已成

子昔贈湘御短歌有綠鬢紅顏豈長

久男兒安得誇身強之句

渾疑如夢亦如仙
追想音容尚宛然
最痛長兄猶遠道

時素文遊燕未歸

更傷慈母已高年
僅存筆墨傳身後
却有妻

兒哭眼前回首交
情知倍切幾番欲
絕伯牙絃

書堂總帳掩黃昏
頃刻生平隔九原
紅葉此時工迸淚

碩園詩稿卷十四

八

白楊他日爲招魂
鶴身化處悲人世
雁影分時慟弟昆

謂鶴書九儀也

眼看少年歌薤露
傷心寧獨李膺門

子與湘御同受知於

吳梅邨先生

才華如此倏然終
纔信人間萬事空
季重昔遊同曉夢
巨卿殘淚獨西風
杜鵑叫後魂難冷
鵬鳥來時命已窮
歎逝更逢身患難
可堪酒醒月明中

得書城叔父書知尚滯粵中二首

近得羊城信愁懷轉未舒
去程燕國近

子將北行歸夢粵山

虛骨肉千行淚

謂亡弟天植之變

關河十月書迢遙
重兩地何

日慰牽裾

自是高人志清時獨棄官
三年凋鬢易十口到家難
庚

嶺風方急增江水正寒僅憑雙鯉在珍重勸加餐

吳閬訪舊四首

載酒尋花暫一宵滿江寒水送蘭橈可堪舊日銷魂地
又在閬門白馬橋

五載重逢夢有無近前曾不拒狂夫他年倘得千金在

不買綈袍買繡襦

用唐人傳奇事

春蘭秋菊豈同儔北里旗亭也快遊何限胸中愁恨事

浪隨小謝擲風流

時舍弟先有所狎

秦樓期約總難猜蚤是燕臺路已催千里長江寒月在
夢魂幾夜欲飛來

仲冬五日閬關話別

碩園詩稿

卷十四

九

如此方成別從前豈算愁斷雲歸一雁逆水上孤舟入
眼仍吳市傷心更楚囚可堪微酒醒回首夕陽樓

過潤州有感

去年烽火此縱橫隔歲經過客尚驚北望淮壖仍有路
東流江水竟無聲呂蒙營在青苔掩劉裕城空白骨平
萬古興亡堪慟哭傷心寧獨一儒生

將渡江寄別同學諸子

十年兄弟共文壇一夕分岐慘不歡北海酒樽猶未散
南冠涕淚忽無端長征志在桑蓬易久聚身非鹿豕難
爲語故人休念我此行只作壯遊看

別季弟

生計憂渠盡征途恨我賒艱難鴻雁字淅落棣棠花雨
後空殘酒燈前更暮笳蓬窗今夜夢明日各天涯

別汪生

子亦辭我去從茲故舊稀忍將衰柳折愁作斷蓬飛文
字交原在江湖興各違六年追往事分手涕頻揮

京口晚泊

棲泊茲何地登樓勝自偏曉雲千雉合殘雪一峯穿世

事看前代鄉心感昔年北來聞有信羨殺下江船

見日聞張

子佩北歸

示僕

此日親朋意孤身託爾行風波千里事書劍十年情淮

碩園詩稿卷十四

十

甸將鞍馬燕臺共死生今宵船背雨暫喜伴深更

瓜洲

百戰一江山孤城晝閉關渡空揚子過潮竟海門還感
慨詩人志艱危旅客顏憑高聊騁望盡日戍樓間

維揚雜感四首

隋朝風物記邗溝舊跡尋來自勝遊楊柳隄長堪放馬
木蘭亭近好移舟曾聞十里春風路尚想千家夜月樓
惆悵錦帆何處去雷塘簫鼓不勝愁

平原千里起黃埃兵火連番事可哀城引蜀崗空北望
潮分吳地不西來正思患難遊方到其奈江山感易催
滿目荒蕪添賦興自傷徒有鮑家才

臂淮襟海總難憑，重鎮虛傳舊廣陵。丞相誓壇惟草木，將軍戰骨已溝塍。原知天意非南北，也是人謀合廢興。誰見江山十年事，茅庵遺像白頭僧。

是日過福緣庵尋德宗和尚遺跡因

偶及之

酒樓歌館暫逍遙，多少風光廿四橋。乍閱繁華思故里，且聽絃管過今宵。釵聲簾下分明膩，衫色燈前取次嬌。漫羨當時狂杜牧，臨風回首玉人簫。

遇孫介夫

三年客髻各相驚，此日相看欲失聲。作客久知遊子況，送行今見古人情。夕陽小店悲殘酒，芳草長隄憶過程。身計不堪空北望，前途何處有逢迎。

碩園詩稿

卷十四

十一

飲許子力臣師六齋中

故人相見不勝悲，執手河梁此一時。揚子暮潮情黯黯，燕臺曉月夢迷離。巖更數去惟嫌盡，急盞飛來不願辭。明日酸風驢背上，預愁吟出別君詩。

殘年

殘年作客故人稀，身似飛蓬忽遠飛。出郭正傷逢暮雨，登樓可忍對斜暉。每成鄉夢難爲覺，乍得家書也當歸。極目黃金臺畔路，思量惟有淚沾衣。

別孫介夫許力臣師六兄弟

昨日逢孫楚，今朝別許詢。廬江方卒歲，介夫將往金斗度歲蘄苑欲新春。去住分三地，間關剩一身。孤裝當落日，愁殺望

城闐

登陸口號

連朝每厭蓬窗苦今早追思已似仙最好五更帆飽後
滿船紅日照高眠

昨宵鄉夢總難成破壁無燈月又明驚起不堪門裏聽
雞聲未了更驢聲

危橋方盡忽長陂愁殺疲驢雪後過聞道前頭呼把滑
須知陸地有風波

歇盡車輪住馬蹄青帘乍喜挂邨西酒家自詫多佳味
爭向廚邊擣蒜泥

淮上

碩園詩稿

卷十四

十三

昨朝甓社湖濱過今日清淮驛畔行久賤已攆長道苦
多愁未許壯心平隄邊樹影趨霜信開口河流帶雪聲
千載韓侯祠墓在思鄉懷古淚縱橫

宿遷

天涯歲暮旅魂驚愁向黃河岸上行古渡水寒風正急
長隄沙淨雪初晴雞聲曉聽鍾吾驛月色斜看宿預城
回首清江猶昨日可憐遙隔故鄉程

鄒城

九百山東路今行第一程羊腸從此上馬角幾時生沙
色平分野岡形曲抱城那堪迷宿處日落正孤征

曉發新泰縣即事

宵征十里一聲雞山色微茫望易迷霜滿始知驢背重
風斜轉覺雁行低遙看官道猶桑柘乍入農家亦鼓鼙
一路鄉兵
防守甚密邂逅更來弓箭客自言生長在遼西

平原邸舍喜逢朱仲軼來韞生

午店西風急停鞭檢客裝邨烟連燒黑人面著沙黃痛
飲身寧惜狂歌意自傷前途看並轡知己話應長

晏城

齊相荒城在遺封尚可追一裘能若此千駟竟何爲
色晴烟裏湖聲曉月時由來憑弔地遊子最心悲

德州

京華南下是通津停策風烟滿目新但見郡城依綠水

碩園詩稿

卷十四

三

不知驛路捲黃塵長亭望處多鄉思美酒逢來似故人
千里齊封從此盡幾番回首衛河濱

鄭州鎮

唐宋故州也明成祖靖難時怒其堅守
不下遂廢城徙民以地分屬雒陽任邱

滹沱河畔聳高岡云是文皇舊戰場廢壘尚看更日月
孤城應許伴方黃空餘古道悲秋黍時有行人弔夕陽
此地正當投宿處漫將杯酒話興亡

雄縣

黃雲衰草路千盤絕塞荒涼向晚看關勢已將連倒馬
河聲直欲到桑乾雄州地入由來險易水風吹自古寒
回首江南征雁遠不堪愁裏望長安

京師

太行西去海東還五代皇都奠此間

謂遼金元明及本朝也

自古

星辰朝北極至今雲氣捧西山天高萬里河流壯地迴千門草色斑見說居庸關隘在前朝防守不曾閒

張青瑀內史招同毘陵徐南襄壽光魏思立南海程周量臨川蔡雪餘解梁介長褐諸公皆青瑀同官也

鳳城歲暮禁烟重共喜開樽勝侶逢朔氣晚催風院燭晴光遙報雪堂鐘右曹才子劉公幹西掖詞人范彥龍退食 聖朝真樂事野夫何幸得相從

小除夜借錢子璧諸公集青瑀宅分韻得八庚

天涯節物倍堪驚預把屠蘇酒共傾風細不銷爐氣暖碩園詩稿 卷十四

十四

星稀仍映燭光明論交自昔推文字感遇於今媿弟兄四座起看皆慷慨爲君今夜罄歡情

借宋閔叔諸公於葉范庵司李詡庵太史宅中度歲分韻得秋字

南冠潦倒不勝愁投轄還欣地主留天爲文章分節序人因患難見交遊篝燈聊借三間屋襍被如眠百尺樓却怪椒盤春漸暖欲同宋玉賦悲秋

再疊前韻

獵獵西風起暮愁居然今夕此淹留漫看人事悲殘臘忽數年華感舊游愛客幸逢能下榻思家無那不登樓情懷自料蕭騷甚怕過新春似晚秋

碩園詩稿卷十四終

碩園詩稿
卷十四

主

碩園詩稿卷十四終

10687

5330

